



乾
隆
府
廳
州
縣
圖
志

福建

ル 5
1353
14



門
卷
1983
14



四川全圖 統計十一府八廳九直隸州

| | | | | | | | |
|------|----|-----|------|----|----|-----|-----|
| 成都府 | 成都 | 華陽 | 雙流 | 溫江 | 新繁 | 金堂 | 新都 |
| 重慶府 | 重慶 | 長壽 | 彭水 | 簡州 | 璧山 | 榮昌 | 新津 |
| 保寧府 | 保寧 | 通江 | 南江 | 宜賓 | 順慶 | 西充 | 涪 |
| 蓬州 | 蓬溪 | 鄰水 | 叙州府 | 南溪 | 慶符 | 富順 | 筠 |
| 連州 | 連山 | 興文 | 夔州府 | 奉節 | 雲陽 | 萬縣 | 龍安府 |
| 彰寧遠府 | 彰德 | 會理 | 雅州府 | 雅安 | 名山 | 榮經 | 石泉 |
| 定府 | 定遠 | 洪雅 | 潼川府 | 潼中 | 遂寧 | 蓬溪 | 嘉 |
| 安岳 | 安岳 | 越嶲廳 | 叙永廳 | 資州 | 內江 | 雷波廳 | 石 |
| 樂至 | 樂至 | 松潘廳 | 打箭爐廳 | 資州 | 井研 | 德陽 | 石 |
| 梓潼 | 梓潼 | 西陽州 | 資州 | 資州 | 井研 | 德陽 | 石 |
| 綿竹 | 綿竹 | 彭州 | 資州 | 資州 | 井研 | 德陽 | 石 |
| 太平 | 太平 | 彭州 | 資州 | 資州 | 井研 | 德陽 | 石 |
| 新寧 | 新寧 | 彭州 | 資州 | 資州 | 井研 | 德陽 | 石 |



四川境眾水歸合表

| | | | | | |
|-----|-----|-----|-----|-----|-----|
| 郫江 | 黑水 | 焚溪 | 涪水 | 宕水 | 榮經水 |
| 錦江 | 翼水 | 龍溪 | 宕渠水 | 羅江水 | 名山水 |
| 湔江 | 僕干水 | 越溪 | 讓水 | 流江水 | 和川水 |
| 沱江 | 涪陵水 | 涪溪 | 石密水 | 濃水 | 漢水 |
| 味江 | 西水 | 清溪 | 黃澗水 | 清溪水 | 越雋水 |
| 雜江 | 符黑水 | 北流溪 | 梓潼水 | 清江 | 青衣水 |
| 馬湖江 | 烏飛水 | 三江溪 | 五城水 | 前江 | 沫水 |
| 資江 | 大灘水 | 蓬溪 | 郭江水 | 後江 | 羅目水 |
| 延江 | 東灘水 | 楊柳河 | 小溪 | 中江 | 夷惜水 |
| 思濠江 | 彭溪水 | 永寧河 | 桃花溪 | 南江 | 秦水 |
| 白馬江 | 大汶水 | 西水河 | 大溪河 | | 鑑河 |
| 西漢水 | 魚蛇水 | 草坡河 | | | |
| 費水 | 安居水 | 雙河 | | | |
| 涖水 | 巫溪水 | | | | |

大江

西漢水 涪水

宕渠水 涖水

今名嘉陵江

一名巴江又名渠江

今名大渡河上流即青衣江下又名陽江

乾隆府廳州縣圖志卷三十五

賜進士及第翰林院編修充 國史館纂修官 臣 洪亮吉撰

四川布政使司

成都府 衝繁難

原額人丁三萬五千四百一十六
見在戶五萬九百三十

禹貢梁州之域自古為蜀國周慎靚王五年秦滅之置蜀郡漢亦曰蜀郡屬益州後漢初為公孫述所據置成都尹建武二年述平仍為蜀郡興平初兼為益州治建安末蜀漢定都于此魏景元四年入魏晉太康十年改置成都國後仍為蜀郡梁大寶三年武陵王紀僭號于此西魏廢帝二年入魏後周置總管府隋開皇初州郡並廢置西南道行臺三年復置總管府大業元年府廢仍為蜀郡唐武德元年復置益州總管府三年府罷置

西南道行臺九年罷行臺置都督府貞觀元年置劍南道龍朔
 中升大都督府開元二年置劍南經略使七年升節度使天寶
 元年復曰蜀郡十五載駐蹕于此至德二載改成都府置南京
 分爲劍南西川節度使上元元年罷京五代時王建孟知祥據
 蜀皆都此宋乾德三年平蜀置西川路太平興國六年降爲益
 州端拱元年復曰成都府淳化五年又降爲益州咸平四年分
 爲益州路嘉祐五年改成都府路元曰成都路爲四川等處行
 中書省治至正中明玉珍改成都刺史府明洪武初復曰成都
 府
 本朝因之爲總督部院及布政使司按察使司治所鎮守將軍
 領滿洲駐防兵及鹽茶道亦駐此
 府境 東西距三百四十里 南北距二百七十五里

八到

東至潼川府樂至縣界一百六十里
 西至瓦寺土司界一百八十里
 南至眉州彭山縣界一百一十五里
 北至綿州綿竹縣界一百六十里
 東南至資州資陽縣界一百六十五里
 西南至邛州界一百二十里
 東北至潼川府中江縣界一百五十里
 西北至茂州汶川縣界一百四十里
 自府治至京師五千七百一十里

土貢

楚金 銅 鐵 錦 羅 綾 綿綢 雙綢 絲
 布 麻 葛 鹽 漆 紙 合簞 竹 海棠
 旌節花 干葉刺榆 椒 藥 茶 龍葵菜 蒟醬
 梅煎 蔗糖 酒 魚

管縣十三州三

成都 華陽 雙流 溫江 新繁 金堂 新都 郫
 邠 彭 簡州 崇慶州 新津 漢州 什
 成都縣 衝繁難郭下 有寶川錢局錦官驛沱江一鎮

古蜀王所治秦置成都縣爲蜀郡治後漢末兼爲益州治自後常爲州府治

武擔山在縣城內西北隅昇仙山在縣北十里本名星宿山唐咸通十一年南詔寇成都大將宋威敗之蠻退屯星宿山

郫江在縣北自灌縣分大江東流逕郫縣北又東入縣界繞城北而南與錦江合舊統名爲二江亦曰都江史記蜀守冰鑿離堆避沫水之害穿二江成都之中此渠皆可行舟有餘則用溉百姓饗其利按今郫江下流與古異酈道元言郫江水從中里橋北折東絕綿洛經五城界至廣都北岸入江斯爲北江其自成都經廣都者爲南江卽二江也蓋古郫江由灌縣經郫新繁至成都府下仍北折抵新都通湔洛復折而南至府南舊廣都界合于流江與今沱江始分中合未復分耳因其中合故水經

注湔洛亦有郫江之名或者不考遂以郫江爲禹貢沱江非李冰所穿誤矣

金水河在府城內自城西入由城東出唐白敏中所開舊名禁河浣花溪在縣西五里一名百花潭

晉懷甯廢郡在縣南宋興廢縣在縣北

錦官城在縣南盤古城在縣東赤塗城在縣北三里

文翁石室在府治南常璩云文翁立文學精舍講堂作石室永初後堂遇火太守陳留高昞更修立又增造一石室李吉甫云一名周公禮殿

華陽縣 衝繁難郭下 有巡檢駐太平場

唐貞觀十七年分成都置蜀縣與成都共治郭下乾元元年改曰華陽

本朝康熙九年併入成都縣雍正五年復置

錦江在縣南即流江也自郫縣西分流至府城東南合郫江折

西南入彭山縣界一名笮橋水

廣都故城有二一在縣東南漢舊縣一在雙流縣東南唐析置

萬里橋在府南門外又有江南橋笮橋市橋冲治橋升仙橋清

遠橋自笮橋以下皆屬成都縣境

蜀漢昭烈帝惠陵在縣西南八里旁有廟

雙流縣 衝東北至府四十里

本漢廣都縣地隋仁壽元年改置雙流縣屬蜀郡唐龍朔二年

復分置廣都縣並屬成都府元省廣都入雙流

本朝康熙元年併入新津雍正六年復置

宜城山在縣南山下有宜城亦曰武陽城又瞿上城在縣東

温江縣 繁東少北至府五十里

漢郫江源二縣地西魏分置温江縣隋開皇三年省入郫縣唐

武德三年復置萬春縣屬益州貞觀元年改曰温江後屬成都

府

楊柳河在縣西南自縣西岷江分流曰石魚河逕縣城西分爲

二支一支南流名楊柳河流二十里入縣界名黃水河一支遶

縣南而東逕縣西下流仍合楊柳河又南至新津縣東入江又

新源水在縣西唐開元二十三年長史章仇兼瓊因蜀王秀故

渠開通漕西山竹木

魚鳧城在縣北十里又北五里有方便城漢朱遵所築

新繁縣 繁東南至府五十六里

漢置繁縣屬蜀郡後周改曰新繁隋開皇初省入成都縣唐武

德三年復置屬成都府

繁縣故城在縣東北

蠻子城在縣東十五里唐咸通中南詔蠻寇成都管築城于此以拒官軍因名

金堂縣繁難西南至府七十里 有古城一鎮

漢新都牛鞞二縣地唐咸亨二年分置金堂縣屬益州垂拱二年屬漢州五代晉天福初改曰漢城後復故宋乾德五年以金水縣置懷安軍以縣屬之元初升軍為懷州至元二十年省州入金堂縣屬成都路

金堂山在縣東南一作金臺山常璩云新都縣有金堂山水通于巴三學山在縣東蜀王衍咸康初遊漢州三學山即此銅官山在縣東北及漢州東接中江縣界樂史云鄧通冶鑄之所也

唐景龍二年御史奏元武金水二縣競銅官坑

焦山坡在縣東十五里前中後三江合流于此

縣故城在今縣東南二十里古城鎮又宋懷安故城在縣東南五十里今有懷口巡司

西魏白牟廢縣在縣東

新都縣衝難南至府五十里 有彌牟一鎮

漢置縣屬廣漢郡晉泰始二年置新都郡于雒縣以縣屬之太康六年郡廢還屬廣漢郡梁移置始康郡西魏郡廢隋開皇十八年改曰興樂大業初省入成都唐武德二年復置屬成都府麗元山在縣北八里

縣故城在今縣東二里晉始康故城在縣南一里

郫縣衝東至府四十五里 有馬街一鎮

古蜀王杜宇所都秦置郫縣屬蜀郡唐以後屬成都府

酸棗河自岷江分流東南逕縣南及溫江縣北又東南逕雙流縣東又東南至華陽縣界入府河俗名新開河又名馬霸河卽元時馬霸渠也

縣故城在今縣北五十里又唐犀浦廢縣在縣東二十五里

崇寧縣 簡東南至府八十里

唐儀鳳二年置唐昌縣屬益州垂拱二年改屬彭州長壽二年改曰周昌神龍初復曰唐昌五代梁開平二年改曰歸化後唐同光初復故晉天福初改曰彭山漢又復故宋開寶四年改曰永昌崇寧元年始改今名

本朝康熙七年併入郫縣雍正七年復置

湔水今名湔江自灌縣南分沱江東流逕縣北又東逕彭縣南

新繁縣北又東逕新都金堂二縣北至漢州東南折南流與雒水沱水會入簡州界自彭縣以西俗名渡船河彭縣以東曰清白江自金堂縣以下曰中江班固云湔水東南至江陽入江過郡三行千八百九十里

灌縣 衝繁難東南至府一百二十五里 有永康驛

漢綿虎郫江原三縣地蜀漢置都安縣屬汶山郡劉宋徙汶山郡治此後周天和三年廢郡改置汶山縣隋仁壽初廢入郫縣唐武德元年改置盤龍縣尋改曰灌寧二年又改曰導江垂拱二年自益州割屬彭州開元中又分置鎮靜軍宋乾德四年改曰永安軍以導江縣屬之太平興國三年又改曰永康軍熙寧五年廢永康軍爲砦九年復卽導江縣置永康軍使隸彭州元祐初復故元初改軍置灌州省導江縣入之屬成都路明初廢

州爲灌縣

青城山在縣西南唐六典劍南道名山曰青城山天倉山在縣西南八十里玉壘山在縣西北班固云綿虎縣玉壘山湔水所出相近有灌口山漢文翁穿湔江灌溉故以灌口爲名山西嶺有天彭關亦曰天彭門按常璩云天彭關卽汶山酈道元云在氏道西北此後人附會明統志又以彭縣彭門山爲天彭關亦非

觀坂在縣西三國蜀建興十四年後主幸湔登觀坂觀汶水之流離堆在縣西南漢書蜀守李冰鑿離堆避洙水之害宋史離堆之址舊鏡石爲水則則盈一尺至十而止水及六則流始足用過則從侍郎堰減水河泄而歸于江

大江自茂州汶川縣流入東南逕縣西又東南逕溫江縣西崇

慶州東又東南逕新津縣東又東南入眉州彭山縣界按自漢以來皆以李冰所鑿經成都者爲大江其南流者曰郫水轉謂之入江班固云江原縣郫水首受江南至武陽入江是也李吉甫以郫江卽阜江與溫江分爲二宋元以來遂專以阜江爲正源今溫江縣西金馬河卽阜江正流也沱江自縣南分大江東流逕崇寧縣南郫縣北又東逕新繁縣南成都縣北又東逕新都金堂二縣南又東合湔水書禹貢岷山導江東別爲沱舊說江東南流沱東行班固云郫縣禹貢江沱在西東入大江圖經江沱始於禹貢而酈道元以爲開明所鑿樂史又專歸之李冰皆誤按今所稱沱江大抵皆後世所開以溉田蒙禹貢之舊名耳味江在縣西南自大江分流逕崇慶州西又南逕新津縣注大江又白沙江在縣西北

導江故城在縣東二十里導江鋪

蠶厓關玉壘關並在縣西北

都安堰在縣西亦曰河堰李冰作鄜道元云諸葛亮北征以此堰農本國之所資以征丁千二百人主護之有堰官又侍郎堰在縣南

彭縣繁東南至府九十里

本漢晉繁縣地劉宋元嘉十二年置南晉壽郡及晉壽縣梁置東益州後周廢州改郡縣俱曰九隴隋開皇初郡廢仁壽初置濠州大業初州廢縣屬蜀郡唐武德三年復置濠州貞觀二年州廢縣屬益州垂拱二年改置彭州天寶初改濠陽郡乾元初復曰彭州屬劍南道元至元十三年省九隴縣入州明初降州為縣屬成都府

本朝康熙七年併入新繁縣雍正六年復置

九隴山在縣西彭門山在縣西北

馬水河源出縣西北東流入漢州界又東逕州南入湔江瀾濛水在縣東亦注湔江

濠陽故城在縣東北又宋堦口廢縣在縣西北

簡州衝難西北至府百二十里
有陽安驛龍泉一鎮州判
駐石橋井巡檢駐龍泉

漢置牛鞞縣屬犍為郡晉永和中改屬蜀郡宋曰鞞縣齊復曰牛鞞西魏恭帝二年改置陽安縣併置武康郡周閔帝元年于郡置資州武成二年州徙治資中而郡縣如故隋開皇初郡廢仁壽三年改置簡州以州東賴簡池為名大業初州廢縣屬蜀郡唐武德三年復置天寶元年改曰陽安郡乾元元年復曰簡州屬劍南道五代屬蜀宋亦曰簡州陽安郡屬成都府路元至

元二十年省陽安縣入州明洪武六年廢州爲縣正德八年復升爲州屬成都府

分棟山在州西李吉甫云其山北連秦隴南入資瀘東北入靜戎軍其于東川卽此爲隔門也樂史稱李膺益州記云蜀人謂嶺爲棟州西又有武侯山

中江在州城東卽湔雒諸水下流自金堂縣東南流入又南入資州資陽縣界一名牛鞞水亦名雁水絳水在州城北今曰絳溪河樂史云色赤如絳故名九州要記云州在赤水之北是也按州西南又有赤水與此迥別

陽明鹽井在州界凡九十三圖經明舊有九井宏治中水漲厓崩盡至填塞

本朝順治十七年始招竈戶重開

陽安廢縣在州東隋平泉廢縣貴平廢縣並在州西南宋靈泉廢縣在州西北

崇慶州

繁東北至府九十里

有唐安驛乾溪一鎮

漢置江原縣屬蜀郡晉永嘉六年李雄置漢原郡永和中歸晉改晉原郡梁改江原郡後周廢郡改縣曰晉原隋屬蜀郡唐垂拱二年于縣置蜀州天寶初改唐安郡乾元初復曰蜀州屬劍南道五代屬蜀宋初亦曰蜀州唐安郡紹興十年以高宗潛邸升崇慶軍節度淳熙四年升崇慶府屬成都府路元至元十二年立總管府二十年改曰崇慶州明洪武初以州治晉原縣省入屬成都府

鶴鳴山在州西北後漢書張魯祖父陵順帝時客蜀學道鶴鳴山中天坪山在州西北一百里背有羊腸鳥道可抵瓦司之三

江口冉龍寨

白馬江在州東北十里自灌縣味江分流入州界又分為黑石溪河又東南流入新津縣界與西河合謂之白西河東南至縣北又會洋馬河入于大江舊說以此為岷江正流也

晉原廢縣在州東晉樂廢縣在州西南宋江源廢縣在州東南後蜀永康廢縣在州西北

新津縣 衝繁東北至府九十里 有新穿一鎮

漢犍為郡武陽縣地後周閔帝元年置新津縣仍屬犍為郡隋初郡廢屬蜀郡唐初屬益州垂拱二年改屬蜀州南宋屬崇慶府

本朝改屬成都府

天社山在縣南李吉甫云北枕大江南接連嶺每益土有

多依焉

僕于水今名文井江在縣南自邛州流入大江班固云臨邛縣僕于水東至武陽入江過郡二行五百一十里

縣故城在今縣東三里隋開皇中移今治

公孫述城在縣西三十里

漢州 衝難南少西至府九十里 有廣漢驛

漢置雒縣屬廣漢郡後漢移郡及益州皆治此晉泰始二年為新都郡治太康六年罷新都郡仍為廣漢郡治隋開皇初郡廢十八年改縣曰綿竹大業初復改曰雒屬蜀郡唐垂拱二年于縣置漢州天寶初改曰德陽郡乾元初復曰漢州屬劍南道宋亦曰漢州德陽郡屬成都路端平中亂廢元中統元年復立以雒縣省入

綿水在州東自德陽縣流入又南入雒水

宋西五城故城在州界又漢廢雒縣後周懷中廢縣並在州北

湔陽城在州南葭萌城在州東五十里

什加縣繁南至府一百三十里

漢置縣屬廣漢郡晉初屬新都郡郡廢還屬廣漢周閔帝改曰方亭武帝省入雒縣唐武德三年復置屬益州垂拱二年改屬

漢州

本朝屬成都府

洛通山本名章山在縣西北班固云雒縣章山雒水所出常璩

云李冰導洛通山水

雒水今名雒江自縣西北發源東南流逕綿竹德陽二縣界又

南逕漢州及金堂縣東合綿湔諸水一名石亭江亦曰後江班

固云雒水南至新都谷入湔沉犀河自縣西發源曰平橋河東

南流入漢州界為沉犀河又金雁河亦名雁江自縣西南發源

東南流至漢州合沉犀河

縣故城在今縣南晉南陽郡故城在縣西

重慶府衝繁難

原額人丁一萬四千五百九十二
見在戶九萬一千七百三十九

禹貢梁州之域周為巴國慎靚王五年秦滅蜀置巴郡漢屬益

州初平元年劉璋改為永寧郡建安六年復為巴郡三國屬蜀

晉宋齊俱為巴郡梁太清四年武陵王蕭紀于郡置楚州西魏

大統十七年改曰巴州後周閔帝元年復曰楚州隋開皇初郡

廢改州曰渝州大業初復罷州為巴郡唐武德元年復曰渝州

天寶初改曰南平郡乾元初復為渝州屬劍南東道五代屬蜀

宋亦曰渝州南平郡屬夔州路崇寧元年改曰恭州淳熙十六年升為重慶府元至元十六年立重慶路總管府屬四川行省至正末明玉珍據此建號曰夏明洪武初平之仍曰重慶府本朝因之分巡川東道駐此分防同知駐江井鎮照磨駐江北

府境

東西距八百七十里

八到

南至西陽州彭水縣界五百里

東至叙州府隆昌縣界三百里
西至順慶府鄰水縣界三百四十里
北至順慶府鄰水縣界三百四十里
東南至貴州正安州界三百四十里
西南至瀘州合江縣界三百二十里
東北至忠州墊江縣界三百二十里
西北至潼川府遂寧縣界二百九十里
自府治至京師六千六百七十里

土貢

金 鐵 蠟 藥 綉絹 布 葛 鹽 茶 甘橘 荔枝
海棠 犀角 麝香 龜 丹砂 石膽
書筒 扇 粉 菊醬 茄子 文鐵刀 桃竹筋 席

管縣十一州二

巴 江津 長壽 永川 璧山 榮昌 大足 綦江

南川 合州 銅梁 定遠 涪州

巴縣

衝繁難郭下

有魚洞銅鐘水洞三水驛白市馬驛水洞
洪江二鎮縣丞駐白市巡檢駐水洞

春秋巴國都漢置江州縣為巴郡治南齊後改為墊江梁為楚州治後周武成三年改曰巴縣

塗山在縣東瀛山在縣南及綦江縣西北李吉甫云以高峻象

海中蓬瀛故名明月峽在縣東北

江州故城在縣西唐南平廢縣在縣東南

古灘城在縣東古樂城在縣西南東陽城在縣西一百里

陽關在縣東蜀漢延熙中車騎將軍鄧芝為江州都督治此又

佛圖關在縣西十里即李嚴欲鑿通汶涪二江處為重慶要津

江津縣

衝難東北至府一百三十里

有石門百度石羊漢東四水驛

本漢江州縣地西魏分置江陽縣兼置七門郡隋開皇初郡廢十八年改縣曰江津

綾錦山在縣西南接永川縣界

大江自瀘州合江縣流入縣境又東北逕巴長壽涪州入忠州

七門灘在縣西七十里

江陽故縣及唐萬壽廢縣並在縣西南

長壽縣

衝西南至府一百五十里

有龍溪水驛

本漢枳縣地周隋為巴縣地唐武德二年析置樂溫縣屬南澆州九年改屬涪州元至元二十年省入涪州至正中明玉珍改置長壽縣仍屬涪州明洪武七年改屬重慶府

樂溫山在縣南五十里地氣常溫禾稼早熟下有樂溫灘大江所經也唐置縣以山得名又長壽山在縣東北七十里

龍溪在縣東自忠州墊江縣流入又西南入江縣境桃花溪梅溪並注江

樂溫廢縣在縣西北蜀漢樂城廢縣在縣西唐永安廢縣在縣西南

永川縣

衝東少北至府一百八十里

有東阜驛來蘇一鎮

本唐壁山縣地大歷十一年分置永川縣屬昌州元至元中省入大足縣明洪武初復置屬重慶府

鐵山在縣東南樂史云其山出鐵侯山在縣南李吉甫云縣東西北三面並枕侯溪

壁山縣

衝東少南至府一百里

本漢江州縣地隋為江津巴二縣唐至德二載分置壁山縣屬渝州元至元二十二年省入巴縣明成化十九年復置屬重慶府

本朝康熙元年省入永川縣雍正六年復置

重壁山在縣西南十五里李吉甫云縣因山為名

榮昌縣 衝東少北至府二百六十里 有峰高驛

漢犍為郡資中江陽巴郡墊江三縣地唐初為瀘普渝合資榮等六州之界乾元元年分置昌州兼置昌元縣為州治大歷六年廢十年復置屬劍南道光啓元年徙州治大足以昌化為屬縣元省明初置榮昌縣

賴婆山在縣西北唐大歷四年在山上置行州又銅鼓山在縣北一百里

廢昌州在縣北又昌元廢縣在縣西北
大足縣 繁東至府三百十里

本合州巴川縣地唐乾元元年置大足縣屬昌州光啟元年徙昌州來治宋曰昌州昌元郡屬潼川府路元州縣俱廢入合州明洪武四年復置屬重慶府

本朝康熙元年省入榮昌縣雍正六年復置

牛鬪山在縣東南六十五里今譌為牛口山又北山在縣北二里唐刺史韋靖于此置城

赤水在縣東六十里李吉甫云大足縣東臨赤水又小溪源出縣界至合州西南注涪江

鹽井圖經縣有鹽井九眼榮昌縣有鹽井五眼
綦江縣 簡北少西至府二百里

漢江州縣地唐武德二年分置隆陽縣兼置南州三年改曰夔州四年復曰南州先天元年改縣曰南州天寶初改州曰南川郡乾元初復曰南州屬江南道黔州都督府五代屬蜀宋初爲羈縻州慶歷八年改屬渝州皇祐五年廢州爲南川縣熙寧七年復置南平軍屬夔州路嘉熙三年軍徙治隆化縣廢元置南平綦江長官司屬播州安撫司明洪武初改置綦江縣屬重慶府蘿緣山在縣南李吉甫云山多柵本堪爲大船扶觀山亦在縣南唐以之名縣

熨溪今名南江在縣東自貴州桐梓縣流入又西北流至江津縣東入大江一名綦江

南川故縣及廢漆州在縣南唐三溪廢縣丹溪廢縣在縣東南瀛山廢縣在縣西北

南川縣

難西北至府二百五十里

漢巴郡枳縣地周隋爲巴縣地唐貞觀十一年分置隆化縣屬涪州先天元年改曰賓化宋初復曰隆化熙寧七年改屬南平軍嘉熙三年徙軍來治元至元二十二年軍廢改置南川縣永隆山在縣西李吉甫云隆化縣以此山得名白水源出縣南東北流入涪州界卽今大溪河也又四十八渡水在縣東

合州

衝繁難南少東至府二百五十里

有雲門一鎮

古巴國別都秦爲巴郡地漢置墊江縣屬巴郡建安六年改屬巴西郡三國漢建興十五年還屬巴郡宋元嘉中置東宕渠郡西魏恭帝三年改郡曰墊江縣曰石鏡又于郡置合州隋初郡廢開皇末改合州曰涪州大業初又改州曰涪陵郡唐武德元

年復曰合州天寶初又改曰巴川郡乾元初復曰合州五代屬蜀宋乾德三年改縣曰石照仍曰合州巴川郡屬潼川府路元至元二十年為散郡二十二年復為州改屬重慶路明洪武初以州治石照縣省入

釣魚山在州東宋淳祐中移合州治此山又銅梁山在州南李吉甫云出鐵及桃枝竹

涪水今名涪江自潼川府遂寧縣流入州界至州城東南與漢渠諸水合即內江也班固云剛氏道涪水出徼外南至墊江入漢宕渠水今名渠江自順慶府廣安州流至州東北注嘉陵江隋赤水廢縣在州西

巴子城宋王城並在州南
銅梁縣繁東少南至府二百里 有巡檢駐安居

本漢墊江縣地西魏為石鏡縣地唐長安四年始置銅梁縣屬

合州

本朝康熙元年併入合州六十年復置

故縣在今縣北又唐巴川廢縣在縣西南安居廢縣在縣西北七十里

定遠縣衝南少東至府二百九十五里

本宋合州地元至元四年置武勝軍後改為定遠州二十四年降為縣屬合州

本朝康熙八年併入合州雍正六年復置

西漢水今名嘉陵江自順慶府南充縣流入縣境又南逕合州界合渠江涪江東南流至府城東入大江自合涪江以下俗統名涪江亦曰內江班固云西漢水南入廣漢白水東南至江州

入江

故城在今縣北

涪州

繁難西少南至府三百十里

有靈臺蘭市東清三水驛巡檢駐武隆

本戰國時楚枳邑漢置枳縣屬巴郡晉永和申移涪陵郡于此後周廢枳縣徙郡治漢平隋開皇初郡廢十二年移漢平于此改曰涪陵縣屬巴郡唐武德元年于縣置涪州天寶初曰涪陵郡乾元初復曰涪州五代屬蜀宋亦曰涪州涪陵郡屬夔州路元至元二十年以州治涪陵縣省入二十一年改屬重慶路龜山在州東一名三台山宋咸淳中移州治三台山即此又武龍山在州東南唐武隆縣以此得名涪陵水在州東自彭水縣流入又北入大江開池在州東李吉甫云出剛鐵土人以為文刀

橫石灘在州東後漢建武十一年岑彭破公孫述將侯丹于黃

石即此又銅柱灘亦在州東

枳縣故城在州西又漢漢平廢縣唐武隆廢縣在州東南

白馬鹽場在州南王存云涪陵縣有白馬一鹽場縣圖涪州東

南有鹹泉

保寧府 衝繁

原額人丁一萬五千二百三十二
見在戶三萬三千一百八十一

禹貢梁州之域春秋巴國別都秦為巴郡閬中縣漢為巴廣漢二郡地建安六年劉璋分閬中置巴西郡宋曰北巴西郡梁天監八年于郡置南梁州西魏廢帝三年改曰隆州盤龍郡隋開皇初廢郡存州大業初復改州為巴西郡唐武德元年復曰隆州先天二年避諱改曰閬州天寶初改曰閬中郡乾元初復曰

閬州屬山南道五代後唐天成四年置保寧軍節度長興中入蜀宋亦曰閬州閬中郡乾德四年改安德軍節度屬利州東路元初立東川路至元十三年升為保寧府二十年改保寧路後復為府隸廣元路明曰保寧府屬四川布政使司

本朝因之分巡川北道駐此分防同知駐南部縣

府境

東西距七百里
南北距五百四十里
東至達州太平縣界五百六十里
西至綿州梓潼縣界一百五十里
南至順慶府西充縣界一百四十里
北至陝西寧州界一百四十里
東南至順慶府蓬州界一百七十里
西南至潼川府鹽亭縣界一百里
東北至陝西鄭縣界五百里
西北至龍安府平武縣界三百五十里
目府治至京師五千三百九十里

八到

工貢 金 鐵 綾絹 布 梁米 鹽 茶 橙 薑 蠟 石蜜 葛粉 花油 席 馬策 紙 薑 魚 藥

管縣七州二

閬中 蒼溪 南部 廣元 昭化 巴州 通江 南

江 劍州

閬中縣 衝繁郭下 有耀池一鎮

古巴國別都秦置閬中縣隋改曰閬內唐復故

盤龍山在縣東唐咸亨中嘗移縣治于山側又閬中山在縣南

樂史云其山四合于郡故曰閬中

西漢水今名嘉陵江在府城南自陝西寧羌州流入逕廣元昭化劍州蒼溪閬中南部諸州縣又南入順慶府界亦曰閬水又名渝水閬水在縣西酈道元云閬水出閬陽縣東經其縣南又東注漢水又瀘溪水在縣及蒼溪二縣界東南注漢水

彭道將池在縣南班固云閬中縣彭道將池在南彭道魚池在

西南圖經自漢以來堰大斗小斗之水溉田里人賴之唐時堰壞漸成平陸

縣故城在今縣西唐思恭廢縣在縣東南

隆城張儀城並在縣東

蒼溪縣 簡東南至府四十里 有青山一鎮

晉分閬中置劉宋省入漢昌縣蕭齊移置漢昌縣于此屬北巴

西郡隋開皇十八年改漢昌曰蒼溪屬巴西郡唐屬閬州元明

俱屬保寧府

大獲山在縣東南三十里石城四周東河環繞其下宋淳祐中

嘗徙閬州治此雲臺山在縣東南三十五里接閬中縣界一名

天柱山高四百丈

奉國故城在縣東又魏岐坪廢縣在縣東北

方州城在縣東北方山大獲城在縣東南大獲山上

南部縣 繁北少西至府七十里 有富村驛縣丞分置

漢置充國縣屬巴郡初平四年分置南充國縣晉省充國以南

充國屬巴西郡宋曰南國縣屬北巴西郡梁曰南部縣西魏置

新安郡後周郡廢隋屬巴西郡唐屬閬州元屬保寧府明洪武

十年併入閬中十四年復置

離堆山在縣東南蜀有三離堆此其一也又縣南一里有南山

宋寶祐中嘗移縣置于此

充國故城及魏晉城廢縣隋西水廢縣並在縣西北唐新井廢

縣在縣西新政廢縣在縣東南

譙王城在縣西

廣元縣 衝繁南至府二百八十里

有神宜驛朝天一鎮巡檢三驛朝天神宜及百

漢葭萌縣地三國漢爲漢壽縣地晉初爲晉壽縣地太元中分置興安縣屬晉壽郡蕭齊分爲東晉壽郡後魏僑置益州亦曰西益州梁大同中改曰黎州西魏廢帝復曰西益州三年改曰利州置總管府隋開皇初郡廢十八年改州治興安縣曰縣谷大業初府廢尋改州爲義城郡唐武德元年復曰利州二年置總管府貞觀六年府罷天寶初改曰益昌郡乾元初復曰利州屬山南西道乾寧四年置昭武軍節度五代後唐改郡曰益川宋初屬西川路咸平四年分置利州路景祐四年改寧武軍節度端平後荒廢元憲宗三年立利州都元帥府至元十四年罷府改曰廣元路屬四川行省明洪武七年曰廣元府尋改府爲州以州治縣谷縣省八十四年又降州爲縣屬保寧府

龍門山在縣東北木塞山在縣北一百三十里潛水出此
七盤嶺在縣北一百七十里與陝西寧羌州界又朝天嶺亦在縣北漫天嶺在縣東北

丙穴在縣北二十五里漢水之南出魚肥美故名

潛水在縣北爾雅水自漢出爲潛郭璞音義有水從漢中沔陽南流至梓潼漢壽入大穴中通峒山下西南潛出一名沔水舊俗云卽禹貢之潛也東遊水今名東河自陝西寧羌州流入縣境又南逕蒼溪縣至閬中縣東南入嘉陵江又名宋江漢壽水在縣南西南流注漢水又清水在縣東南西南流注巴江宋平蜀故城在縣東南晉葭萌廢縣在縣南劉宋嘉川廢縣在縣東西魏魚盤廢縣在縣西北唐通平廢縣在縣東南昭化縣衝繁南少東至府三百八十里有望喜一鎮

漢置葭萌縣屬廣漢郡三國漢先主改曰漢壽分屬梓潼郡晉
太康元年又改曰晉壽太元十五年于縣置晉壽郡劉宋又分
置益昌縣屬白水郡後魏改益昌曰京兆屬南白水郡後周省
晉壽復改京兆曰益昌隋屬義成郡唐屬利州五代後唐同光
三年改曰益光宋初復曰益昌開寶五年始改曰昭化元屬廣
元路明洪武十四年改屬保寧府

木馬山在縣西北李吉甫云諸葛亮出祁山于此造木牛流馬
以供運因各人頭山在縣西四十里後唐長興初伐蜀王宏贊
從白衛嶺人頭山後出劍門南即此

白水江在縣西北自甘肅文縣流入又東南合嘉陵江一名羌
水又清水江在縣北合白水江

晉壽故城在縣南漢白水故城及西魏魚盤廢縣在縣西北隋

葭萌廢縣在縣南

小劍城在縣西南東洛城白霸城並在縣西北

白水關在縣西北故白水縣界又景谷道亦在縣西北魏景元

初鄧艾自陰平山景谷道旁入

巴州繁難西南至府二百五十里

有江口一鎮州判駐黃
關嶺巡檢駐江口

古巴國地漢巴郡宕渠縣地後漢永元中分置漢昌縣仍屬巴
郡三國漢分屬巴西郡劉宋後廢後改置歸化郡梁始置梁廣
縣為郡治後魏正始元年改置大谷郡延昌三年置巴州後周
大象二年改縣曰化成隋開皇初郡廢大業初復改州為清化
郡唐武德元年復曰巴州天寶初復曰清化郡乾元初復曰巴
州五代屬蜀宋亦曰巴州清化郡屬利州路元曰巴州屬廣元
路明洪武九年以州治化成縣省入仍降州為巴縣屬保寧府

正德十年復升爲州

始甯山在州東伏疆山在州西北一名木強山

清化廢縣在州西北六十里後魏盤道廢縣在州北梁曾口廢縣歸仁廢縣在州東南其章廢縣始甯廢縣元新得廢州在州東隋恩陽廢縣唐七盤廢縣並在州西北

平梁城在州西二十五里平梁山上

通江縣 簡西南至府四百里 有毛浴一鎮

漢宕渠縣地後漢爲巴郡宣漢縣地梁爲始甯縣地西魏分置諾水縣屬遂甯郡隋開皇三年仍省入始甯唐武德八年復分始甯置諾水縣仍于縣置壁州天寶元年改縣曰通江改州曰始甯郡乾元元年省改曰壁州宋熙甯五年州廢以縣屬巴州宋末分爲上通江下通江州縣元至元二十年皆併入曾口縣至

正四年復置通江縣屬巴州

本朝與南江縣並改屬保甯府

壁山在縣西唐置壁州以此名

宕水在縣東又南流逕巴州界入巴江符水白石水在縣北諾水在縣西合白石水注宕水

後魏符陽廢縣在縣北白石廢縣在縣東北唐巴東廢縣在縣

東廣納廢縣在縣南

得漢城在縣東南漢山上

南江縣 簡西南至府三百四十里

漢宕渠縣地後漢漢昌縣地梁爲漢江縣地西魏爲盤道縣地後周天和五年復分置漢江縣又于縣置集州及平桑郡隋開皇初郡廢大業初州廢屬漢川郡唐武德元年復于縣置集州

天寶初改曰符陽郡乾元初復曰集州宋熙寧五年州廢以縣屬巴州元至元二十年又併縣入化成明正德十一年復置米倉山在縣北八十里宋紹興以來出兵之孔道又十里有孤雲山唐賈耽云興元之南路通巴州中有孤雲山行者必三日始達于嶺有石刻云蕭何追韓信至此大巴山在縣北二百里接陝西南鄭縣界又小巴山在縣東北一百三十里周地圖云此山之南即古巴國北水源出此

岩渠水今名巴江源出縣北南流逕縣東又西南逕巴州東又東南入達州界班固云岩渠縣潛水西南入江縣境羅溪水等並注巴江

隋長池廢縣在縣南唐平桑廢縣大牟廢縣在縣西南

劍州 衝繁東南至府二百二十里

有劍門武連二驛各置驛丞

漢廣漢郡梓潼縣地劉宋分置南安郡梁置南梁州後改安州西魏廢帝三年改曰始州改郡縣俱曰普安隋開皇初郡廢大業初復改州曰普安郡唐武德元年復曰始州先天二年改曰劍州天寶初復曰普安郡乾元初復曰劍州五代屬蜀宋亦曰劍州普安郡隆興二年升普安軍節度紹熙元年升為隆慶府屬和州東路元至元二十年復曰劍州屬慶元路明洪武十四年以州治普安縣省人改屬保寧府

掌天山在州東南接南部縣界晉太安元年遣都護衛博討李特特遣李蕩自掌天山要博博為伏兵所圍即此龍血山在州西北宋齊于此置戍大劍山在州北即古梁山也又有小劍山與大劍相屬山海經高梁之山西接岷嶓東引荆衡又漢陽山亦在州北

西水河上流曰小潼水自州西發源東南流逕南部縣又逕閬中縣仍入南部界東南流至順慶府達州入江又都竹水在州南至掌天山下注西水

漢德故城在州東北又晉新巴廢郡在州西北西魏黃安廢縣在州南永歸廢縣及隋臨津廢縣在州東南後周武連廢縣在

州西南劉宋始平廢縣在州北唐劍門廢縣在州東北

石牛道在州東北李吉甫云即劍閣道

劍門關在州東北唐置大劍鎮後設關于此

曾孫用勳校刊

乾隆府廳州縣圖志卷三十六

賜進士及第翰林院編修充 國史館纂修官 臣洪亮吉撰

四川布政使司

順慶府 衝繁難

原額人丁一萬二十四
見在戶四萬七千五百五十八

禹貢梁州之域春秋為巴國地秦屬巴郡漢為巴郡安漢宕渠等縣地後漢建安中改屬巴西郡劉宋于安漢置南宕渠郡蕭齊後止曰宕渠郡隋開皇初郡廢大業初屬巴西郡唐武德四年分置果州天寶元年改南充郡乾元元年復曰果州屬山南西道大歷六年更名充州十年復故五代屬蜀置永寧軍節度宋亦曰果州南充郡改屬梓州路寶慶三年升順慶府元至元四年置東川路後改東川府十五年復曰順慶府二十年升為

順慶路屬四川行省明洪武初復曰順慶府

本朝因之分防通判駐岳池大溪口

府境

八到

東西距四百七十里
南北距二百里
東至忠州梁山縣界三百八十里
西至潼川府蓬溪縣界九十里
南至重慶府定遠縣界一百里
北至保寧府南部縣界一百里
東南至忠州墊江縣界三百三十里
西南至蓬溪縣界九十里
東北至保寧府巴州界二百七十里
西北至潼川府鹽亭縣界一百二十里
自府治至京師八千八百二十五里

土貢

鐵 絲絹 鹽 黃柑 藥 買子木實 冬青蠟
蘭蕙

管縣八州二

南充 西充 蓬州 營山 儀隴 廣安州 岳池

渠 大竹 鄰水

南充縣

衝繁難郭下

有嘉陵水馬驛北津烈面二鎮巡

漢置安漢縣屬巴郡後漢初平元年劉璋移巴郡來治建安六年改屬巴西郡劉宋改置南宕渠郡隋開皇初郡廢十八年改縣曰南充屬巴西郡唐武德四年于縣置果州南宋為順慶府治

清居山在縣南三十五里宋淳祐中以兵亂常徙府治此山又

果山在縣西八里果州因山為名

流溪水在縣西南源出大耽山流八十里至縣南入嘉陵江曲

水在縣西南四十里亦注嘉陵江

安漢故城在縣北又西魏漢初廢縣在縣南唐流溪廢縣在縣

西南

西充縣 繁東南至府八十里 有大陵一鎮

漢安漢縣地隋南充縣地唐武德四年分置西充縣屬果州南
宋屬順慶府

西充山在縣治東

西溪水源出縣東北東流至南充縣西南入嘉陵江

蓬州 繁西南至府一百里 有七盤一鎮

漢安漢縣地梁置相如縣兼置梓潼郡西魏郡廢隋屬巴西郡
唐武德四年分屬果州宋寶祐六年改屬蓬州元至元十五年
移蓬州來治二十年立蓬州路後復為蓬州屬順慶府明洪武
初以州治相如縣省入

龍角山在州東

西漢水今名嘉陵江自保寧府南部縣流入涇州及南充縣東
又南入重慶府界

梓潼城在州西南

營山縣 繁西南至府一百八十里 有風竇一鎮

漢巴郡宕渠縣地梁置安固縣周天和中置蓬州隋大業初州
廢屬清化郡唐武德元年復于縣置蓬州四年又置朗池縣屬
果州開元二十九年移蓬州治蓬池改安固曰良山屬之寶應
元年又以朗池縣屬蓬州宋大中祥符五年改朗池曰營山元
至元二十年省良山入營山仍屬蓬州

本朝屬順慶府

大蓬山在縣東北方圓四十里相去二里有小蓬山又披衣山
在縣西接蓬州界宋淳祐三年制置使余玠建砦柵移州治于
此

青溪水在縣西南流入蓬州界

良山廢縣及梁宕渠廢縣在縣東北隋蓬山廢縣在縣東唐朗

池廢縣在縣北

儀隴縣

簡西南至府二百三十里

有流江一鎮

漢巴郡閬中縣地梁天監元年置儀隴縣及隆城郡又置大寅縣隋開皇初郡廢以二縣屬巴西郡唐武德初屬蓬州開元二十九年移蓬州治大寅以儀隴屬之天寶初改州曰咸安郡至德二年又改為蓬山郡乾元初復曰蓬州廣德元年改大寅縣曰蓬池五代屬蜀宋為蓬州咸安郡寶祐六年移州治相如縣以二縣屬之元至元二十年併蓬池入儀隴仍屬蓬州

本朝屬順慶府

龍章山在縣東南李吉甫謂之樂龍山又伏虞山亦在縣東南甚險夷獠被征即避入此山中

流江自縣西北發源南流逕營山縣東又東南至渠縣東入渠江縣境消水平溪水等並注流江

縣故城在今縣北唐開元二十六年移今治又蓬池廢縣在縣東南隋伏虞廢縣在縣東

廣安州

繁西北至府一百七十里

有盤龍驛

漢巴郡宕渠安漢墊江三縣地梁置始安縣屬北宕渠郡隋開皇十八年改曰寶城屬宕渠郡唐武德元年復曰始安屬渠州天寶元年改曰渠江宋開寶二年于縣置廣安軍屬梓州路咸清二年改曰寧西軍元至元十五年軍廢二十年復升為廣安府屬順慶路明洪武四年改廣安州以州治渠江縣省入仍屬順慶府

濃水在州西東流入渠江清溪水在州南亦注渠江

渠江廢縣在州北又唐豐樂廢縣在州西北

岳池縣

衝西北至府一百十里

有靈溪一鎮

漢安漢縣地唐爲南充相如二縣地萬歲通天二年始分置岳池縣屬果州宋開寶二年改屬廣安軍元屬廣安府明屬廣安州

本朝康熙七年併入廣安州六十年復置屬順慶府

岳池水源出縣東岳安山至重慶府定遠縣界入嘉陵江

故縣在今縣西北明洪武初移今治又唐新明廢縣在縣南宋

和溪廢縣在縣西

渠縣

衝西至府二百十里

漢置宕渠縣屬巴西郡建安中分屬巴西郡先主分置宕渠郡尋省延熙中又置郡九年省晉永興元年李雄復置郡東晉郡廢

劉宋屬南宕渠郡梁置渠州及北宕渠郡後魏改置流江縣及

流江郡隋開皇初郡廢大業初復曰宕渠郡唐武德元年復曰

渠州天寶初改潯山郡乾元初復曰渠州五代屬蜀宋亦曰渠

州潯山郡屬潼川府路元曰渠州屬順慶路明洪武初以州治

流江縣省入仍降州爲渠縣與大竹隣水皆屬廣安州

本朝並屬順慶府

宕渠山在縣東五十里又十里有禮義山宋寶祐中渠州嘗徙

治于此龍驤山在縣北一里班固云宕渠縣符特山在西南樂

史云龍驤山蓋符特山也又八濛山在縣東北蜀建安二十年

張郃督諸軍下巴西進軍宕渠濛頭盪石與張飛相拒五十餘

日飛遂破郃

渠江自達州流入逕縣東又西南逕廣安州東又西南入重慶

府界

宕渠故城在縣東北唐大竹故城在縣北

賓城在縣東北

大竹縣繁西至府三百里

有龍溪驛縣丞駐石橋

漢宕渠縣地梁置鄰山縣兼置鄰州後魏廢帝改曰鄰山郡隋開皇初郡廢併縣入鄰水唐武德元年復置鄰山縣又置鄰州八年州廢縣屬渠州元至元二十年省入大竹仍移大竹縣來治

鄰山在縣西接鄰水縣界出鐵圖經鄰水出焉又西南入重慶府長壽縣界仙門水在縣南下注鄰水

鹽井在縣南王存云鄰山縣有畝牛一鹽井圖經今南充縣有中井六眼中下井六眼下井三眼西充縣有上井十眼中井八

眼下井八眼蓬州有中井一眼

鄰山故城在縣東南又唐鹽泉廢縣在縣南

榮城在縣西北仙門里

鄰水縣繁難西北至府二百七十里 有鄰山太平二鎮

漢宕渠縣地梁置鄰水縣屬鄰州後魏屬鄰山郡隋屬宕渠郡唐武德初屬隣州三年還屬渠州寶歷元年省入鄰山大中初復置元至元二十年省入大竹明成化二年復置

縣故城在今縣北

敘州府衝繁難

原額人丁一萬五千三百二十一

禹貢梁州之域秦為西南夷地漢建元六年置犍為郡屬益州蕭齊為犍為郡治梁大同十年置戎州隋大業初復改州為犍

爲郡唐武德元年復曰戎州貞觀六年置都督府天寶元年改南溪郡乾元元年復爲戎州屬劍南道五代屬蜀宋政和四年改曰敘州屬潼川府路元至元十八年升爲敘州路並立敘南等處蠻夷宣撫司明洪武六年改爲敘州府

本朝雍正五年以馬湖府省入

府境

八到

東西距四百四十五里
南北距三百四十五里
東至瀘州江安縣界一百三十五里
西至雷波衛黃螂所界一百一十里
南至敘永廳界一百一十五里
北至嘉定府榮縣界一百一十里
東南至敘永廳界二百二十里
西南至雲南昭通府界二百五十里
東北至重慶府榮昌縣界二百二十里
西北至嘉定府犍爲縣界一百七十里
自府治至京師九千二百五十里

土貢

葛 麻布 鹽 筍竹 苦箬 荔枝 藥 仙茅
破皮 暖坐 銅

管縣十一

宜賓 慶符 富順 南溪 長甯 高 筠連 珙

興文 隆昌 屏山

宜賓縣

衝繁難郭下

有馬湖一鎮

古西南夷僰侯國漢武帝開置僰道縣爲犍爲郡治梁爲茂州治周保定三年改曰外江隋大業初復曰僰道宋政和四年改曰宜賓爲敘州治

朱提山在縣西南五十里班固云朱提縣山出銀按山去府太近當非漢時故山土夷考烏撒府有銀鑛之饒故山當在其境又有天黎山小黎山並在縣西南赤厓山在縣西北常璩云僰道有故蜀王兵闌神作大灘其厓嶮峻不可鑿李冰積薪燒之故其處懸厓有赤白元黃五色魚從楚來至此而止畏厓映水

也

大江自嘉定府犍為縣流入東南流逕宣化故城北又東逕府城北而東南出合馬湖江又東逕南溪縣南又東南入瀘州江安縣界縣境越溪真溪蘇溪大秋溪馬鳴溪涪溪皆注江故縣及唐廢殷州義賓廢縣歸順廢縣宋宣化廢縣並在縣西北隋開邊廢縣在縣西南

二郎關在縣東南

慶符縣

簡北少東至府一百二十里

漢置漢陽縣屬犍為郡為都尉治三國漢嘗置漢陽郡尋罷晉屬朱提郡宋齊後沒于蠻唐為開邊縣地宋初為敘州徼外地政和三年置祥州及慶符來附二縣宣和三年州廢省來附入慶符屬敘州

石門山在縣南即古石門道也史記秦時嘗頌略通五尺道漢建元六年使唐蒙治道自犍道指犍柯江新唐書自開邊縣南七十里至曲州又四百八十里至石門鎮隋開皇五年率益漢二州兵所開又漢陽山在縣北八十里諸葛亮南征駐軍此山石門江自雲南昭通府界流入東北逕縣西又東北至宜賓縣界入馬湖江

唐廢曲州宋廢祥州並在縣西漢漢陽故城在縣南唐石門廢縣在縣西南鹽泉廢縣撫夷廢縣在縣西宋來附廢縣在縣西北

富順縣

衝繁難西南至府一百八十里

有道郵驛戰井趙化二鎮縣丞駐自流井巡檢駐鄧井關

漢犍為郡江陽縣地後周武帝析置富世縣并置洛原郡隋開

皇初郡廢以縣屬瀘川郡唐屬瀘州貞觀二十三年改曰富義
宋乾德四年升為富義監太平興國元年避諱改曰富順監屬
潼川路治平初置富順縣屬焉熙寧初縣省嘉熙元年蜀亂監
廢尋復置元至元十三年復置富順監安撫司二十年升為富
順州屬敘州路明初降州為縣

虎頭山在縣西南六十里宋咸淳初嘗徙縣于此有虎頭城
雒江在縣東一名中江亦名金川又名釜川自資州內江縣流
入逕縣東門外又東逕隆昌縣西南界至瀘州合大江按九域
志富順監有支江今無此水疑即雒水之异名也縣境榮溪鰲
溪並注雒江

鹽井在縣西李吉甫云富義鹽井在縣西南五十步月出鹽三
千六百六十石劍南鹽井惟此最大其餘又有七所圖經今縣

屏山二縣各一井
鹽井上井五十六中井二十下井二百五又長寧縣三井隆昌

唐來鳳廢縣在縣東

南溪縣 衝西至府一百十里 有龍腦驛

漢犍道縣地梁分置南廣縣并置六同郡隋開皇初郡廢仁壽
初改曰南溪屬犍為郡唐初為戎州治貞元中州移治犍道長
慶中復為州治會昌二年復移州還犍道以縣屬之宋屬敘州
平蓋山在縣東

青衣水在縣南一里從犍道縣東流至縣又東至瀘州綿水縣
界名龍騰溪按圖經今無青衣水疑即清溪但清溪至江安縣
西入江不逕南安縣也

縣故城在今縣西宋乾德中移今治

長甯縣 簡北少西至府一百四十里

漢犍為郡漢陽江陽二縣地唐初置羈縻長甯清二州屬瀘川都督府五代時沒于蠻宋熙寧八年夷人獻地置清井監仍屬瀘州政和四年建為長甯軍屬潼川路元屬馬湖路明洪武初改軍為縣改屬敘州府

清溪在縣東北又東北入瀘州江安縣界縣境硯石溪清溪並合清溪

清井在縣北泉有二脉一鹹一淡取以煎鹽塞其一則皆不流唐清州宋清井監皆置于此

宋武甯廢縣安甯廢縣並在縣東北
高縣 簡北少東至府一百五十里 有江口一鎮

漢犍為郡南廣縣地唐置羈縻高州隸瀘州都督府宋熙寧後廢屬長甯軍元復為高州屬敘州路明改州為縣

故高州在縣南
筠連縣 簡東北至府二百二十五里 有三峒一鎮

漢犍為郡南廣縣地唐置羈縻筠州連州屬戎州都督府元改置筠連州屬永甯路并置騰川縣為治明初廢縣入州又改州為縣屬敘州府

符黑水今名南廣水源出烏蒙鎮雄山箐流逕縣及高縣界又北逕慶符縣西又東北至宜賓縣東入江班固云南廣縣汾廣山符黑水所出北至夔道入江

廢筠州在縣南又廢連州亦在縣境
珙縣 簡北至府二百里 有鹽水一鎮

漢置南廣縣屬犍為郡三國漢延熙中置南廣郡宋齊後沒于

蠻唐儀鳳二年開山洞置鞏州先天二年降為羈縻州天寶初改因忠郡乾元初復曰鞏州屬瀘州都督府宋熙寧後廢屬長甯軍其後分姓他居有上下羅計之名元至元十三年歸附改置上下長官羅計司屬敘南宣撫司明玉珍復改琪州明初降州為縣屬敘州府

琪溪在縣南一百五十步北流入長甯縣界合清溪居民以筒車引水入田得灌溉之利

南廣故城及故鞏州在縣西南又唐廢播郎州薛州思峨州定州扶德州並在縣境

興文縣 簡西北至府一百九十里 有兩河口一鎮

漢犍為郡漢陽縣地後沒于蠻獠唐儀鳳二年開山洞置安州先天二年降為羈縻州天寶初改羅陽郡乾元初復曰宴州屬

瀘州都督府宋熙寧後廢屬長甯軍後為大霸都堂蠻地元至元十七年立大霸都總管二十二年升為戎州隸馬湖路明初降州為戎縣萬歷四年改為興文縣屬敘州府

思宴江在縣南源出廢思宴縣北流逕永甯縣入江安縣界廢宴州在縣西唐廢悅州在縣南

凌霄城在縣南一百二十里
隆昌縣 衝難西南至府二百四十里

漢江陽縣地明隆慶元年割重慶府榮昌及瀘州富順二縣地置屬敘州府

屏山縣 簡東少北至府一百二十里 有新鎮一鎮

漢犍為郡犍道朱提二縣地唐為羈縻商馴騁浪四州地總名馬湖部屬戎州都督府宋時蠻主此湖內元至元十三年內附

置馬湖路明洪武四年改馬湖土府宏治九年始為馬湖府萬
歷十九年始置屏山縣為府治

本朝雍正五年罷馬湖府以縣隸敘州府

馬湖江即金沙江自雲南昭通府流入東北逕蠻夷平夷二土
司南又東北逕縣南及府城南又東與大江合本古繩若二水
下流又曰瀘水班固云越嶲郡遂久縣繩水東至犍道入江水
經若水至犍為朱提縣西為瀘江水又東北至犍道縣入于江
縣境諸溪水並注馬湖江

馬湖故城在縣西

泥溪長官司在縣西三里

平夷長官司在縣西九十里

蠻夷長官司在縣西少南一百三十里

沐川長官司在縣西北一百八十里

涼山等處土百戶皆在縣西界

夔州府 衝繁難

原額人丁七千六百四十四
見在戶二萬七千三百六

禹貢荆梁二州之域春秋時為庸國地後屬巴國戰國屬楚秦
屬巴郡後漢初平元年劉璋分置固陵郡建安六年改為巴東
郡仍屬益州晉泰始三年分屬梁州太安二年仍屬益州永和
初改屬荆州泰始三年置三巴校尉蕭齊建元二年置巴州永
明元年省梁普通四年改置信州後周置總管府隋開皇初郡
廢大業元年府廢三年復改州為巴東郡唐武德元年復曰信
州二年改曰夔州仍置總管府貞觀十四年改都督府後罷府
天寶元年改雲安郡乾元元年復曰夔州二年復升都督府尋

罷屬山南東道天祐三年升鎮江軍節度使五代屬蜀後唐天
成二年改曰寧江軍尋復入蜀宋仍曰夔州雲安府寧江軍節
度為都督府開寶六年分置峽西路咸平四年改夔州路元至
元十五年立夔州路總管府屬四川行省明洪武四年改夔州
府九年降為夔州隸重慶府十四年復升為府

府境

東西距五百四十里
南北距八百三十里
東至湖北巴東縣界二百一十里
西至湖北新寧縣界二百三十里
南至湖北恩施縣界三百三十里
北至陝西平利縣界五百里
東南至湖北容美土司界六百一十里
西南至忠州界四百一十里
東北至湖北房縣界三百一十里
西北至達州東鄉縣界六百一十里
自府治至京師六千九百八十里

八到

土貢

蠟 鐵 錫 紵 純絹 布 鹽 漆 桐油 蜜
香 紙 桶 椒 茶 藥 酒 山雞 吐

鳥 獸皮

管縣六

奉節 巫山 大寧 雲陽 萬 開

奉節縣

衝郭下 有三鉤一鎮

春秋時庸國之魚邑漢置魚復縣屬巴郡後漢建安中為巴東
郡治三國漢章武二年改曰永安晉太康元年復曰魚復梁為
信州治西魏改曰入復隋仍為巴東郡治唐初為夔州治貞觀
二十三年改曰奉節明洪武九年省縣入州十四年復置為夔
州府治

白帝山在縣東李吉甫云公孫述時殿前井有白龍出因號此
山為白帝山城為白帝城又赤甲山白鹽山並在縣東
瞿唐峽在縣東即廣溪峽也峽口有灩澦堆又南鄉峽在縣西

四十七里

大瀼水在縣東入蜀記山澗之流凡通江者土人多謂之瀼縣境東瀼水清瀼水陽元水並注江

魚復浦在縣東二里漢縣以此得名

古鹽泉井在縣東江心唐李貽孫云白帝城之左五里得鹽井十四

魚復故城在縣東北白帝故城在縣東梁陽口廢縣在縣西

夔關在府城南

本朝康熙六年設權關雍正七年始遣官監督又瞿唐關在縣

東即古江關班固云魚復縣江關都尉治

巫山縣衝繁西至府一百三十里有高唐水驛當陽一鎮

戰國楚巫郡秦改為縣漢屬南郡後漢建安中先主改屬宜都

郡二十四年孫權分置固陵郡吳孫休又分置建平郡巫縣為

吳蜀之界晉初置建平都尉治此咸平元年改都尉為建平郡

隋開皇初郡廢改縣曰巫山屬巴東郡唐屬夔州

巫山在縣東酈道元云江水東逕巫峽杜宇所鑿以通江水又

南陵山在縣南隔江一里舊南陵縣以此名

巫溪水自大寧縣北界發源東南流至縣東入大江今日大寧

河一名昌江又烏飛水在縣西南亦注大江

新崩灘在縣東酈道元云江水經新崩灘此山漢和帝永元十

二年崩晉太元二年又崩當崩之日水逆流百餘里湧起數十

丈

巫縣故城在今縣東又晉泰昌故城北并廢縣並在縣北南陵

廢縣在縣南

江陰城在縣西六十里天賜城在縣西北
大甯縣簡南至府一百八十里 有袁溪一鎮

本漢魚復縣地晉為建平郡泰昌縣地後周以後為大昌縣地
宋開寶六年始以大昌縣鹽泉所置大甯監領大昌縣屬夔州
路元至元二十年升為大甯州明洪武九年降為縣屬夔州府
本朝康熙六年省入奉節縣雍正七年復置

千頃池在縣北接達州太平縣界

白鹿鹽井在縣北寶源山下圖經今有鹽井二眼設竈一百一
有鹽課大使

雲陽縣

衝繁東至府一百四十里

有巴陽五峯二水驛五溪一鎮

漢置朐忍縣屬巴郡晉屬巴東郡後周武帝改曰雲安唐屬夔
州宋開寶六年置雲安軍宋末廢元至元十五年復置軍二十

年升為雲陽州明洪武七年改州為縣

石城山在縣東二里常璩云朐忍縣山有大小石城

湯溪水在縣東即今東瀼河也酈道元云下與檀溪水合又南

入于江名曰湯口縣境新軍河亦注江

瞿巫灘在縣東一名博望灘

鹽井在縣北王存云雲安縣有團雲鹽井圖經今縣境鹽井凡
十眼有雲安廠鹽課大使

朐忍故城在縣西又雲安監城在縣東北

萬縣衝繁東少北至府二百八十里

漢朐忍縣地三國吳置羊渠縣蜀漢建興八年改置南浦縣屬
巴東郡後魏曰魚泉後周置安鄉郡尋改縣曰安鄉郡曰萬川
隋開皇初郡廢十八年仍改縣曰南浦屬巴東郡唐武德初屬

信州二年于縣置南浦州八年州廢屬夔州是年復立浦州貞觀八年改曰萬州天寶初曰南浦郡乾元初復曰萬州宋曰萬州南浦郡屬夔州路元至元二十年省南浦縣入州明洪武七年改州爲縣

大江自忠州流入東北逕縣及雲陽奉節巫山三縣南又東流入湖北巴東縣界圖經自瞿塘而下謂之峽江又謂之瑣江

長灘鹽井在縣東北圖經縣境鹽井凡六眼

唐武甯廢縣在縣西

開縣簡東少南至府二百三十里

漢朐忍縣地後漢建安二十一年析置漢豐縣屬巴東郡晉廢後復置仍屬巴東郡西魏改曰永甯隋開皇末改曰盛山義甯二年于縣置萬州唐武德初改曰開州天寶初曰盛山郡乾元

初復曰開州廣德元年改縣曰開江宋仍曰開州盛山郡屬夔州路元省縣入州明洪武六年改州爲縣

盛山在縣北一里隋以此名縣

彭溪水源出達州新甯縣東北東流入縣界又東南逕雲陽萬縣入江今名開江亦曰小江又名臨江按樂史云縣有常渠水

蓋卽開江之上源縣境清江水墊江水並注開江

溫湯鹽井在縣東北圖經其井有三曰杉木柏木龍馬今惟存一井

開江故城在今縣南又劉宋新浦廢縣在縣西南西魏西流廢縣在縣西北唐萬歲廢縣在縣東北

黃侯城在縣東五十里老鴉城在縣南八里

龍安府繁

原額人丁五千五百五十三
見在戶七千七百五十三

禹貢梁州之域周秦氏羌地漢為廣漢郡剛氏道後漢置廣漢屬國都尉三國漢改屬陰平郡宋齊俱屬梁州北陰平郡梁時有楊李二姓分據其地稱蕃於梁後魏孝武帝置江油郡西魏廢帝二年置龍州隋開皇三年郡廢大業初改州為平武郡義寧二年改龍門郡尋曰西龍門郡唐貞觀元年改龍門州天寶元年復曰江油郡至德二載改應靈郡乾元元年改曰龍州屬劍南道宋曰龍州江油郡政和五年改曰政州紹興五年復曰龍州屬利州路元亦曰龍州屬廣元路明洪武七年仍曰龍州屬四川布政使司二十三年改龍州軍民千戶所尋復為州宣德七年改為宜撫司嘉靖四十五年改置龍安府

府境

東西距
南北距

八到

東至保寧府劍州界二百八十里
西至生蕃界四百九十里
南至綿州安縣界三百里
北至甘肅文縣界二百二十里
東南至綿州梓潼縣治三百八十里
西南至茂州治四百五十里
東北至陝西寧州治四百五十里
西北至黃勝關四百八十里
自府治至京師一萬一千二百四十里

土貢

金 鐵 錫 水銀 麝香 羚羊角 酥 葛粉
茶 藥 蕎麥 青棵 甘松 狐尾

管縣四

平武 江油 石泉 彰明

平武縣 繫郭下 有青川一鎮 有縣丞分駐青州

漢置剛氏道三國漢分置平廣縣屬陰平郡晉太康元年更名曰平武宋屬北陰平郡梁時為氏豪所據西魏改置江油縣為江油郡治尋為龍州治隋為平武郡治唐宋為龍州治寶祐中

隨州徙治今江油縣界明洪武二十三年復移州于今治嘉靖
中改州爲府萬歷十九年始復置平武縣爲府治

左擔山在縣東魏志鄧艾入江油左擔道詣綿竹祝穆云自文
州界青塘嶺至龍州百五十里自北而南者右肩不得易所負
故云左擔又響崖山在縣東南一百里李吉甫云出錫樂史云
州南羊角山亦出錫石門山在縣東南李吉甫云有石門戍與
氏分

涪水自松潘衛東發源東南流逕府城南又東南逕江油縣東
西南逕彰明縣東又南入綿州界班固云剛氏道涪水出徼外
南至墊江入漢過郡二行千六十九里縣境廉水讓水火溪河
高村河並注涪梓潼水在縣東南源出山溪東南流入綿州梓
潼縣界又清川溪在縣東又東入保寧府界

縣故城在今縣東北古剛氏道在縣東龍州故城在縣東
方維故城唐清川故城在縣東北

涪水關在縣東又有棧閣祝穆云江油左擔路上涪水崖壁上
共有六閣曰青崖墓頤石回七里東閣石城圖經鄧艾伐蜀置
秦隴等閣道一十二處明洪武十一年開設松潘衛又置飛仙
等閣道二十五處

陽地隘口長官司在縣北三十里

江油縣簡西北至府二百六十里

漢剛氏道地三國漢置江油戍晉以後爲平武縣地西魏以後
爲龍州江油縣地宋寶祐六年始徙龍州于今縣界仍置江油
縣爲治元至元二十一年省縣入州至正中遷州治于武都興
教鎮屬廣元路明洪武七年州移還今府界併鎮地入梓潼縣

十四年復置江油縣屬劍州嘉靖四十五年改屬龍安府

縣故城凡四蜀漢江油戍故城在今縣東西魏及隋故城在府城東南宋故城在今縣西北元故城在今縣東北

石泉縣 簡東北至府三百二十里

漢蜀郡汶江縣地晉為汶山郡地後周為汶州北川縣地唐貞觀八年分置石泉縣屬茂州宋熙寧九年改屬綿州政和七年于縣置石泉軍宣和三年廢軍七年復置寶祐中移軍治龍安元升軍置安州以石泉屬之明初屬成都府嘉靖四十五年改屬龍安府

石城山在縣東南一里石紐山在縣南一里

石密水今名石泉河在縣南自茂州流入又東至彰明縣西南入涪水俗亦名湔水又龍安水在縣東南

北川廢縣在縣西三十里

威蕃城在縣西三十里

彰明縣 簡北至府三百二十里

本漢廣漢郡涪縣地晉孝武僑置漢昌縣屬巴西郡西魏廢帝改曰昌隆隋屬金山郡唐屬綿州先天元年改曰昌明五代後唐又改曰彰明

本朝順治十六年併入綿州雍正六年復置屬綿州九年改屬

靈臺山在縣北一名天柱山高四百丈

唐興聖廢縣在縣西南

甯遠府 衝繁難

見在戶一萬四千七百五十

禹貢梁州南裔漢初為邛都國元鼎六年開置越巂郡屬益州

三國屬漢晉徙郡治會無縣大安二年改屬寧州咸康八年還屬益州劉宋還治邛都齊曰越嶲獠郡而縣廢尋沒于獠梁時開置嵩州尋復陷沒後周天和五年置西寧州隋開皇十八年改曰嵩州大業初復曰越嶲郡治越嶲縣唐武德元年復曰嵩州三年置總管府尋改爲中都督府督羈縻十六州屬劍南道至德二載沒于吐蕃貞元十三年收復太和五年爲蠻寇所破六年徙治臺登咸通中爲蒙詔所據立城曰建昌府宋時羈屬大理元憲宗時內附至元十二年置建昌路總管府又設羅羅斯宣慰司統之屬四川行省尋改屬雲南行省明洪武十五年置建昌府屬四川布政司又置建昌衛屬四川都司後廢府改建昌衛爲軍民指揮使司二十七年又置四川行都指揮使司本朝初亦曰建昌衛置總二鎮之雍正六年罷衛改置寧遠府

府境

八到

| | | | | | | | |
|-----------|----------|----------|-----------|----------|--------|--------|--------|
| 東 | 西 | 南 | 北 | 東 | 西 | 南 | 北 |
| 距六百六十里 | 距一千二百九十里 | 距一百四十里 | 距一百四十里 | 距一百四十里 | 距一百四十里 | 距一百四十里 | 距一百四十里 |
| 東至木託營涼山蠻界 | 西至雲南永北廳界 | 南至雲南元謀縣界 | 北至雅州府清溪縣界 | 東至雲南武定州界 | 西至涼山蠻界 | 南至清溪縣界 | 北至涼山蠻界 |
| 八百里 | 六百四十里 | 八百四十里 | 四百九十里 | 七百三十里 | 六百四十里 | 五百六十里 | 一千五百里 |

土貢

銀 銅 鐵 鹽 碧

管縣三州一

西昌 冕寧 鹽源 會理州

西昌縣 衝繁難郭下 有龍溪一鎮巡檢駐德昌

漢初爲邛都國地元鼎六年改置縣爲越嶲郡治晉移郡治會無縣劉宋復還舊治蕭齊縣廢隋置越嶲縣仍爲郡治唐後爲

蒙詔所據元至元十七年建置安州爲建昌路治明洪武中廢州改置建昌衛二十七年又置建昌前衛皆爲行都司治萬歷三年省前衛入建昌衛

本朝雍正六年改衛曰西昌縣以建昌左所中前所禮州守禦所併入爲府治

涼山在縣東綿亘數百里跨馬湖建昌界今爲諸蠻所居

溫水在縣北西流入孫水酈道元云李驥敗李流於溫水卽此

邛池澤今名邛河在縣東南班固云邛都縣有邛池澤南中志

邛河縱廣二十里深百餘丈按今縣南有熱水塘卽此

邛都廢縣在縣東南漢蘇示廢縣在縣北唐西瀘廢縣在縣西

南元廢德昌府廢昌州德州並在縣南廢普濟州在縣西南廢

威龍州濶州隆州並在縣東南廢里州及中縣在縣東瀘沽廢

縣在縣北

武侯城新安城並在縣南

昌州長官司在縣南二百里

河東長官司在縣安甯河東

沙麻宣撫司在縣界

冕甯縣

繁難南少東至府一百八十里

有縣丞駐冕山

漢置大筰臺登二縣屬越嶲郡後漢省大筰入臺登齊又省臺登縣後周武帝復置兼置白沙郡隋開皇初郡廢仍屬越嶲郡唐武德元年屬登州九年州廢屬嶺州太和六年移嶺州來治咸通中陷廢爲烏蠻落蘭部地元爲禮州地後分置蘇州屬建昌路明洪武二十七年立蘇州衛二十八年改爲甯蕃衛屬四川行都司

本朝雍正六年罷衛改置冕寧縣屬寧遠府

鐵石山在縣東常璩云臺登縣山有磐石禹貢厥賦矧是也
孫水自縣北發源南流逕縣東又南逕西昌及會理州西合若
水一名長河又名安寧河班固云臺登縣孫水南至會無入若
行七百五十里若水源出西蕃逕縣西界折東流逕西昌縣西
南又南逕鹽源會理州合金沙江亦名瀘水俗名打冲河班固
云若水出旄牛徼外南至大笮入繩按水經注瀘水在朱提界
武侯渡瀘在其地蓋卽今之金沙江今打冲河在蜀西南徼非
入滇必經之道自唐宋以來始專以若水爲瀘水又三渡水在
縣西南下注若水

臺登廢縣在縣東又大笮廢縣在縣西

諸葛城在縣東南

松林土千戶在縣東南瀘沽河南

阿得橋土百戶在縣東近冕山營

鹽源縣繁難東北至府三百十里

漢置定笮縣屬越嶲郡爲都尉治蕭齊省後周置定笮鎮唐武
德二年改置昆明縣屬嵩州後沒于南詔改香城郡元至元十
年內附十四年立鹽井千戶十七年改爲閬鹽州隸德平路二
十七年改州爲縣立柏興府隸羅羅斯宣慰司明洪武二十五
年改爲柏興千戶所屬建昌衛二十七年改置鹽井衛軍民指
揮使司

本朝雍正六年罷衛改置鹽源縣屬寧遠府

斛熒和山在縣西三十里產金又縣境刺紅瓦山刺雀瓦山並
產金革石瓦山產銀礦

步北澤在縣東班固云定筴出鹽步北澤在南常璩云定筴縣有鹽池北沙河是李吉甫云凡取鹽先積柴燒之以水澆灰卽成黑鹽今縣鹽井二設竈五十八有鹽課大使

定筴廢縣在縣南漢遂久廢縣在縣西唐昌明廢縣在縣西南元廢金縣在縣北

甯遠城在縣西

馬喇長官司在縣南三百里

瓜別安撫司在縣境其地東至小西蕃西至喇嘛

木理安撫司在縣西北

會理州

衝繁北至府四百里

有巡檢二駐苦竹埧迷易所

漢置會無縣屬越嵩郡晉移郡來治劉宋仍爲屬縣蕭齊時沒于蠻獠唐上元二年改置會川縣屬嵩州後沒于南詔置會川

都督府又號清甯郡宋時屬大理仍曰會川府元至元九年內附十四年置會川路十五年又置會理州屬之十七年于路治置武安州明洪武中仍曰會川府屬四川布政使司後改置守禦千戶所屬建昌衛廢會理州入之二十五年改置會川衛軍民指揮使司屬四川行都司

本朝康熙二十九年復分衛地置會理州雍正六年省會川衛移會理州來治屬甯遠府

葛砧山在州東南八里上產石青班固云會無縣東山出碧卽此密勒山在州東二百里產銀礦海溪山在州南一百二十里產白銅

金沙江在州南自雲南武定州流入會打冲河又東入雲南昭通東川二府界卽古之繩水也又卑水在州東北東流注馬湖

江玉虛河玉虹河會通河並注金沙江
州故城及漢三絳廢縣元廢姜州並在州東南漢卑水廢縣在
州東北元廢永昌州在州西北黎溪州在州西南麻龍州在州
北

會同城在州北

漢長利苑在州界漢永初六年詔越嶲置長利高望始昌三苑
皆馬苑也

曾孫用勲校刊

乾隆府廳州縣圖志卷三十七

賜進士及第翰林院編修充 國史館纂修官 臣 洪亮吉撰

四川布政使司

雅州府 衝繁難

原額人丁五千二百八十一
見在戶一萬一千五百八十五

禹貢梁州之域秦爲蜀郡地漢置青衣嚴道等縣天漢四年分
置蜀郡西部後漢延光元年改置屬國都尉三國漢章武元年
置漢嘉郡晉永嘉後亂廢西魏廢帝二年始置蒙山郡隋開皇
初郡廢仁壽四年置雅州大業三年改州爲臨邛郡唐武德元
年復爲雅州開元三年置都督府天寶元年改盧山郡乾元元
年復曰雅州屬劍南道五代屬蜀置永平軍節度使宋仍曰雅
州盧山郡屬成都路元初曰雅州屬嘉定路後改屬吐蕃宣慰

司明洪武初以州直隸四川布政使司

本朝雍正七年升為府

府境

八到

東西距五百三十五里
 南北距三百八十五里
 東至嘉定府洪雅縣界四十里
 西至打箭爐西蕃界四百九十五里
 南至越嶲廳界三百七十里
 北至邛州蒲江縣界七十五里
 東南至嘉定府峨眉縣界一百二十里
 西南至打箭爐明正司界四百四十里
 東北至蒲江縣界一百里
 西北至西蕃界二百三十里
 自府治至京師六千二十里

土貢

金 綿 絨 紙 邛竹 落雁木 茶 藥 椒
 石 菖蒲 娑羅花 魚

管縣五州一

雅安 名山 榮經 蘆山 天全州 青溪

雅安縣

衝繁難郭下

巡檢一駐瀘定橋

漢置青衣縣屬蜀郡後為西部都尉治後漢延光初為屬國都尉治陽嘉三年改縣曰漢嘉三國漢為漢嘉郡治晉後廢西魏廢帝三年始置始陽縣為蒙山郡治隋開皇十三年改曰蒙山大業三年又改曰嚴道為臨邛郡治唐為雅州治明洪武初省縣入州

本朝雍正七年復置雅安縣為府治

嚴道山在縣南五里本名鹿角山唐天寶六年勅改蒙山在縣及名山蘆山三縣界書禹貢蔡蒙旅平班固云青衣有禹貢蒙山又雅安山在縣西縣以之名

漢嘉故城在縣北又隋嚴道故城在今縣西

名山縣 衝繁西南至府四十里 有百丈驛無人一戍

漢青衣縣地西魏始分置蒙山縣屬蒙山郡隋開皇十三年改

曰名山屬邛州仁壽四年改屬雅州明洪武十年省入州十三年復置

名山在縣西北縣因山為名又百文山在縣東北唐以名縣下有百丈河注蒲江

名山水在縣東又東南至雅安縣入青衣江

唐百丈廢縣在縣東北又古土城亦在縣東

榮經縣衝繁東北至府九十里有箐口驛雄邊一砦石門一成

漢置嚴道縣屬蜀郡後漢延光初屬屬國都尉晉屬漢嘉郡永嘉後荒廢隋為嚴道縣地唐武德三年改置榮經縣屬雅州元省入嚴道縣明洪武十三年復置

邛來山在縣西南山有九折坂班固云嚴道縣邛來山邛水所出東入青衣又銅山在縣北漢文帝賜鄧通蜀嚴道銅山得自

鑄錢即此李吉甫云今尚出銅礦

邛水即榮經水自縣東南發源至縣北會流又北至雅安縣西入青衣江按圖經縣西南近清溪縣界有五水竝發至縣西會流即榮水也經水源出縣東南瓦屋山西北流逕縣東至城北與榮水會流統名榮經水

鄧通城在縣東三十里又禦侮城靜寇城竝在縣西

蘆山縣簡東南至府七十里

漢青衣縣地西魏為始陽縣地隋仁壽三年分置蘆山縣屬臨邛郡唐宋屬雅州元省入嚴道縣明洪武初復置

蘆山在縣西北九里縣以此名又靈山在縣西北六十里

漢靈關廢道及利慈廢縣竝在縣西北

開明城在縣西七里晏山城亦在縣西

靈關在縣西北關外卽夷獠界又飛仙關在縣東南

天全州

衝繁難東少南至府一百二十里

有始陽一鎮州同駐劉始場

古西夷徙都地漢置徙縣屬蜀郡後漢屬屬國都尉晉曰徙陽屬漢嘉郡永嘉後亂廢唐置始陽鎮兵元置礪門宣撫司後改六番招討司又分置天全招討司明洪武初合為天全六番招討司屬四川都司

本朝雍正八年改置天全州治礪門城屬雅州府

馬鞍山在州西一百八十里山以外卽為三十種四十八塞諸蠻番界

青衣江自州及蘆山縣發源至縣南合流又東南逕府北又東南入嘉定府界一名平羌江亦大渡水上流也班固云青衣縣大渡水東南至南安入澂水經沫水出廣柔徼外東南過旄牛

縣北又東至越嶲靈道縣出蒙山南東北與青衣水合又青衣水出青衣縣西蒙山東與沫水合酈道元云二水于青衣縣東合為一川自下亦謂之青衣水又和川水在州南下注青衣江徙陽廢縣在州東

董北韓胡宣慰司在州西北

冷邊長官司在州西南

清溪縣 衝難東北至府一百六十里

有泥頭沈村二驛

古西夷苻都侯國漢武帝元鼎六年定西夷以苻都為沈黎郡兼置旄牛縣天漢四年省沈黎以旄牛屬蜀郡為西部都尉治後漢屬蜀郡屬國都尉三國漢屬漢嘉郡晉永嘉後李雄據蜀復置沈黎郡永和後蜀平郡廢劉宋復置沈黎郡蕭齊曰沈黎獠郡後周天和三年開越嶲置黎州尋廢隋開皇中置沈黎縣

仁壽末兼置登州又分置漢源縣大業初州廢以縣屬臨邛郡
後沈黎縣亦廢唐武德元年于漢源縣置登州九年州廢還屬
雅州大足元年始以縣置黎州神龍三年州廢開元三年復置
天寶初改洪源郡乾元初復曰黎州領羈縻五十四州屬劍南
道五代屬蜀宋曰黎州漢源郡仍領羈縻五十四州屬成都府
路元曰黎州屬吐蕃宣慰司明洪武八年以州治漢源縣省入
改爲黎州長官司十一年升黎州安撫司屬四川布政使司萬
曆二十四年降爲千戶所直隸四川都司

本朝改曰黎大所雍正八年改爲清溪縣屬雅州府

白崖山在縣西北山外皆生蕃界又飛越山亦在縣西北化林
營東十里山西北兩面竝接羌夷界

泅水今名大渡河在縣南自茂州西南徼外發源經打箭爐流

入與越雋廳分界又東入嘉定府界班固云泅水出汶江縣徼
外南至南安東入江過郡三行三千四十里按漢志泅字當從
道元作泅字近傳寫誤也說文泅水出蜀汶江徼外東南入江
又縣境漢水注大渡河兩澗水注流沙河

沈黎故城及唐通望廢縣在縣東南漢旄牛故城隋漢源廢縣
在縣南唐飛越廢縣大渡廢縣在縣西北

武侯城王建城在縣北要衝城定蕃城在縣東南大定城流離
城仗義城在縣南廓清城銅山城在縣西潘倉城在縣東北三
交城在縣西北

清溪關在縣南接越雋廳界唐韋臯復修清溪關以通南詔
沈邊長官司在縣西北

松坪土千戶在縣東南一百八十里

嘉定府 衝繁

原額人丁一萬四百五十四
現在戶五萬三百一十四

秦以前同雅州府漢為犍為郡南安縣地梁末為青州地後周武帝保定元年置平羌郡宣帝二年始分置嘉州隋開皇初廢郡存州大業二年併入眉州尋置眉山郡唐武德元年復曰嘉州天寶初改犍為郡乾元初仍曰嘉州屬劍南道五代屬蜀宋慶元二年升為嘉定府開禧元年又置嘉慶軍節度屬成都府路元至元十三年置嘉定路總管府屬四川行省明洪武四年仍為嘉定府九年降為州直隸四川布政使司

本朝雍正十二年復升為府分防通判駐黃角井

府境

東西距四百里
南北距二百一十里
東至資州內江縣界二百里
西至夷界二百里

八到

南至彼州府宜賓縣界一百六十里
北至眉州青神縣界五十里
東南至宜賓縣界一百六十里
西南至夷界一百一十里
東北至資州井研縣界六十里
西北至雅州名山縣界一百七十五里
自府治至京師九千八百四十五里

土貢

麩金 鐵 絹 布 紫葛 鹽 茶 藥 麝香
荔枝 橘柚 海棠

管縣七

樂山 峩眉 洪雅 夾江 犍為 榮 威遠

樂山縣

衝繁郭下

有凌雲一驛符文一鎮蘇稽一戍主簿
駐太平墩

漢犍為郡南安縣地後周保定元年始置平羌縣為平羌郡治隋開皇三年改曰峩眉九年改為青衣十年又改曰龍游為嘉州治大業二年州廢屬眉州後復為眉州郡治唐為嘉州治宋宣和元年改曰嘉祥後復為龍游為嘉定州治明洪武九年省

縣入州

本朝雍正十二年復置樂山縣為府治

青衣山在縣東俗名烏牛山

大江在府城東自眉州青神縣流入又東南逕犍為縣東又東南入敘州府界又縣境泥溪竹溪等竝注江

鹽井在縣及犍為榮威遠四縣境圖經今樂山上井二十八眼中井四十二眼下井五百四十四眼犍為上井四十六眼中井一百一眼下井五百二十五眼榮縣中井六眼下井十一眼威遠鹽井一眼

平羌廢縣在縣北四十里

峩眉縣

繁東至府六十里

有中鎮一鎮

漢南安縣地後周平羌縣地隋開皇初為峩眉縣地十三年始

別置峩眉縣屬眉山郡唐屬嘉州

峩眉山在縣東南常璩云南安縣南有峩眉山去縣八十里又

綏山在縣西南列仙傳綏山多桃在峩眉山西南高無極也

泝水今名大渡河一名陽江自夷界流入逕縣南又東逕樂山

縣界至府城西南合青衣水入江又縣境羅目水夷惜水秦水

等竝注大渡河

隋綏山廢縣在縣東南唐羅目廢縣在縣西南

洪雅縣

繁東南至府一百三十里

有止戈一鎮

隋開皇十三年分南安縣置屬眉山郡唐武德九年于縣置犍州貞觀元年州廢屬眉州開元七年復于縣置義州八年州廢仍屬眉州宋淳化四年改屬嘉州元至元二十年省入夾江縣明成化十八年復置屬嘉定州

銅山在縣西南一百里近榮經縣界有銅礦又可慕山在縣西北三十九里李吉甫云山多材木公私資之

青衣江自雅州府雅安縣流入逕縣南又東南逕夾江樂山合大渡河入江名平羌水又名洪雅江又縣境龍溪花溪洞溪滄河溪等及夾江縣諸溪水竝注青衣江

縣故城在今縣西嚴道故城在縣西思經山下又晉平鄉廢縣在縣界

夾江縣繁東南至府八十里 有弱馮一鎮

隋開皇十三年分峨眉平羌二縣地置屬眉山郡唐屬嘉州

平羌山在縣西十五里後周置郡縣以此山名

縣故城在今縣北又漢南安廢縣在縣西北

犍為縣衡難西北至府一百二十里 有沈犀驛愍非三江二鎮巡檢駐牛華溪

漢南安縣地後周置沈犀郡竝置武陽縣隋開皇三年郡廢改

縣曰犍為屬犍為郡唐初屬戎州高宗上元元年改屬嘉州

紅壁山在縣北一百里地產白鹽

漢水在縣西北漢成帝時得古磬十六枚于水濱故亦名寶磬

川又縣境四望溪清水溪沐溪等竝注江

縣故城在今縣東南又沈犀故城在縣東南三里隋玉津廢縣

在縣北

紫雲城在縣東南十五里

榮縣繁難西至府一百五十里 有貢井新羅來蘇賴牟四鎮縣丞駐貢井

隋開皇十三年于漢南安江陽二縣地置大牢縣屬資陽郡唐

武德元年分置公井縣兼置榮州六年徙州治大牢貞觀元年

分置旭川縣屬之永徽二年移榮州治旭川天寶初改義和郡

乾元初復曰榮州宋分屬潼川路治平四年改州治旭川縣曰榮德紹熙中升為紹熙府寶祐後廢元末復置榮州屬嘉定路明洪武九年降州為榮縣屬嘉定州

榮德山在縣東北與威遠縣接界榮州取此為名又野客山在縣東南鐵山在縣北與威遠縣接界出鐵

擁思茫水在縣西自資川井研縣流入又南入敘州府界縣境又有榮溪大牢溪

晉冶官廢縣及齊南安廢郡並在縣西隋訛治曰資又唐應靈廢縣在縣西南公井廢縣在縣東南

威遠縣繁西少南至府二十里

隋開皇初以漢資中縣地置屬資陽郡唐武德元年改屬榮州元初省後復置明洪武四年省入榮縣九年復置屬嘉定州

本朝康熙六年又省雍正六年復置

獻寶溪在縣東按樂史云縣有十江水從內江縣南流入縣界

今考圖經惟西牛河自內江縣西發源西南流與獻寶等溪合

疑卽十江水也

隋和義廢縣在縣東北

潼川府繁難

原額人丁一萬四百九十
現在戶三萬一千七百八十九

秦以前同雅州府漢為廣漢郡郡廣漢二縣地劉宋分置新城郡齊廢梁末置新州西魏竝置昌城郡隋初郡廢開皇末改州曰梓州大業初又改州為新城郡唐武德元年復曰梓州屬劍南道天寶元年改曰梓潼郡至德二載于郡置劍南東川節度使乾元元年復曰梓州五代屬蜀宋亦曰梓州梓潼郡劍南東

川節度咸平四年分置梓州路重和元年升為潼川府元屬四川行省明洪武九年降府為州直隸四川布政使司

本朝雍正十二年復升為府分防通判駐太和鎮

府境 東西距三百八十里 南北距五百七十里

八到 東至順慶府西充縣界二百八十里 西至成都府漢川縣界一百八十里 南至資州內江縣界四百八十里 北至涪州界九十里 東南至重慶府合州界三百五十里 西南至成都府簡州界三百一十里 東北至順慶府南部縣界一百七十里 西北至涪州界九十里 自府治至京師五千五百七十里

土貢 糖 銀 銅 鐵 鹽 綾 絹 葛 柑 橘 藥 空青 鞭 鞵

管縣八 三臺 射洪 鹽亭 中江 遂寧 蓬溪 安岳 樂

至

三臺縣 繁難郭下 有秋林驛南明一鎮鹽捕縣丞駐康樂場

漢置郫縣屬廣漢郡劉宋又分置北五城縣為新城郡治郫縣仍屬廣漢郡齊廢北五城後郫縣亦省西魏置新城縣尋改曰昌城為昌城郡治隋大業初復改曰郫縣為新城郡治唐為梓州治宋為潼川府治明初省縣入州

本朝雍正十二年復置三臺縣為府治

牛頭山在縣西南李吉甫云一名華林山又三臺山在縣西五里縣以之名

涪水自縣州流入逕府城東又東南逕射洪蓬溪遂寧入重慶府界又縣境桃花溪入涪江石谷溪注中江

鹽井府境諸縣並有圖經三臺縣上井三眼中井九眼下井二

百十六眼射洪鹽井二千三百十九眼鹽亭中井三眼中下井四眼下井二眼下下井十一眼中江鹽井二百二十八眼遂寧鹽井五十二眼蓬溪鹽井七百九十六眼安岳鹽井二眼樂至鹽井一百十六眼又宋富國監在縣南

郫縣故城在縣南又隋涪城廢縣在縣西北

射洪縣

繁難西北至府六十里

有九井驛豐義大通二鎮巡檢駐洋溪

漢郫廣漢二縣地西魏置射江縣周改曰射洪屬新城郡唐屬梓州宋屬潼川府

通泉山在縣東南樂史云東臨涪江水從山頂湧出下注于江

西魏湧泉郡故城在此又白崖山在縣南

沈水在縣東南後漢書建武十一年臧宮與公孫述將延岑戰于沈水大破之又黃潯水亦在縣東南下注涪江

隋通泉廢縣在縣東南

黃虎城在縣界

鐵冶在縣及鹽亭二縣

鹽亭縣

簡西少南至府一百里

有雲溪驛鴛溪大汁二鎮

漢廣漢縣地梁置北宕渠郡及縣西魏恭帝改郡縣俱曰鹽亭隋開皇初郡廢屬新城郡唐屬梓州宋屬潼川府

負戴山在縣西一里山有泉南流入梓潼水

梓潼水自縣州梓潼縣流入逕縣南又南逕射洪縣東入涪江

一名瀾江亦曰射江又曰白馬河又縣境鹽亭水及鴛溪等竝

注梓潼水

宋西宕渠廢郡在縣西北周高渠廢縣在縣西唐永泰廢縣在縣東北宋東關廢縣在縣東南

中江縣

難東至府一百二十里

有古店驛臨津黃鹿龔市
三鎮巡檢駐于店

漢郡縣地晉咸寧四年分置五城縣屬廣漢郡太康六年省七年復置宋曰伍城縣後周于縣置元武郡隋開皇初郡廢改縣曰元武仁壽初于縣置凱州大業初州廢屬蜀郡唐武德初屬益州三年改屬梓州宋大中祥符五年改曰中江尋屬潼川府元武山在縣東常璩云一名王嶠山其山六屈三起又五城山亦在縣東樂史云晉五城縣在五城山會軍山在縣南樂史云先主入蜀遣諸葛亮張飛等分定州界略地至郡百姓以牛酒犒亮因會軍士于此後遂傳為會軍堂山又天柱山在縣西南李吉甫云一名覆船山銅官山在縣西南接簡州及金堂縣界李吉甫云歷代採鑄樂史稱李膺蜀記云即鄧通卓王孫冶鑄之所又縣境賴應山可蒙山私谿山竝產銅王存云銅山縣有

銅冶

中江自緜州境故羅江縣流入逕縣南又東逕府城南入涪江即古五城水也又東溪水在縣東下注中江郡江水自縣界發源東流逕三臺蓬溪二縣注涪江隋書元武縣有郡江

劉宋懷歸廢縣在縣西北隋飛鳥廢縣在縣東南唐銅山廢縣在縣南九十里

遂寧縣

繁難西北至府一百八十里

有白水萬歲韓朋三鎮

漢高帝置廣漢縣于縣置廣漢郡尋移郡治梓潼以縣屬之晉初復為廣漢郡治東晉永和初改置遂寧郡齊曰東遂寧郡改縣曰小漢梁改曰小溪西魏又改曰方義周閔帝元年于郡置遂州改郡曰石山隋開皇初郡廢仁壽二年置總管府大業初府廢復改州為遂寧郡唐武德元年復曰遂州二年置總管府

貞觀初府罷十年復置都督府十七年又罷天寶初復曰遂寧
郡乾元初復曰遂州乾寧四年置武信軍節度五代屬蜀宋太
平興國初復改縣曰小溪政和五年升州爲遂寧府屬潼川府
路宣和五年又升爲都督府元至元二十年降爲遂寧州屬潼
川府明洪武初以州治小溪縣省八九年降爲遂寧縣
靈泉山在縣東十里宋寶祐六年蒙古將紐璘侵蜀蜀帥蒲擇
之命楊大淵等守劍門及靈泉山又廣山在縣北涪江邽水會
其下

北流溪在縣西東北流十五里入江又下油溪在縣南亦注江
廣漢故城在縣東北又漢德陽廢縣在縣東南隋安居廢縣及
縣故城在今縣西南唐崇龕廢縣在縣南

蓬溪縣 繁難西北至府一百五十里

有蓬溪利國九節客館走馬五鎮

漢廣漢縣地隋方義縣地唐永興元年分置唐興縣屬遂州長
壽二年改曰武豐神龍元年復曰唐興天寶元年改曰蓬溪宋
屬遂寧府端平三年會爲府治元屬遂寧州明洪武初改屬潼

川州

青石山在縣東南與重慶府合溪縣接界圖經昔巴蜀爭界歷
年不決漢高八年一朝密霧山爲自裂從上至下開數尺若引
繩以分之遂爲二州之界巴蜀之民乃息所爭山之青石爲天
下最民將採石先必祀之又廟山在縣西南唐乾元元年勅置
龍臺縣于此

蓬溪在縣北西南流入遂寧縣界入江又縣境九節溪亦注江
瑰溪注邽水

西魏長江廢縣在縣西青石廢縣及唐唐興廢縣在縣南

明水城在縣西南

安岳縣

繁難北至府三百八十里

有龍臺茗山二鎮

本漢犍爲郡資中牛鞞二縣及巴郡墊江縣地晉時荒廢後周建德四年置普州及安岳縣隋大業初州廢以縣屬資陽郡唐武德二年復于縣置普州天寶初改曰安岳郡乾元初復曰普州屬劍南東道五代屬蜀宋仍曰普州安岳郡屬潼川府路寶祐後州縣俱廢元末復置安岳縣屬遂寧州明洪武四年復于縣置普州九年州廢以縣屬潼川州

本朝康熙元年省入遂寧縣十年改入樂至縣雍正七年復置安岳山在縣西南一里

故縣在今縣北宋開寶四年移今治又隋隆康廢縣在縣南

樂至縣

簡北少東至府二百三十里

有三會一鎮

漢資中牛鞞二縣地後周建德四年置普慈郡及多業縣隋開皇初郡廢屬普州十三年改縣曰普慈大業初改屬資陽郡唐武德三年又分置樂至縣皆屬普州宋乾德五年省普慈縣入樂至仍屬普州寶祐後廢元初爲遂寧州地後爲安岳縣地明成化二年復分置樂至縣屬潼川州正德十年改屬簡州嘉靖九年還屬

婆娑山在縣南一里又有小婆娑山在縣北一里

安居水源出縣東北流逕安岳遂寧二縣界又東入銅梁廢安居縣界亦名大安溪入江

普慈廢縣在縣東北

石羊城在縣東

雜谷廳

見在番戶十一萬香

本古維州地唐宋以來吐蕃苗裔世居于此明置安撫司

本朝康熙十九年歸附仍授安撫司乾隆十七年升為廳設理

蕃同知

廳境

八到

| | |
|---|---------------|
| 東 | 距二百六十里 |
| 南 | 距一百七十里 |
| 東 | 至茂州係縣界六十里 |
| 西 | 至州地生蕃界一千五百里 |
| 南 | 至金川寺界七百里 |
| 北 | 至生蕃界一千二百里 |
| 東 | 南至茂州汶川縣界一百四十里 |
| 西 | 南至保縣界一百一十里 |
| 東 | 北至保縣界一百二十里 |
| 西 | 北至梭磨土司界二百二十里 |
| 自 | 廳治至京師六千八十里 |

土貢

麝 細鱗魚

無憂城在廳西十里按即唐時維州治其在保縣西北者五代

後所遷之治也

越嵩廳簡

經歷駐大樹堡

見在戶

漢置闌縣屬越嵩郡晉省劉宋復置曰蘭縣改屬沈黎郡蕭齊後廢後周文帝改置邛部縣兼置邛部郡隋開皇初郡廢仍屬越嵩郡唐屬嵩州咸通後陷于蠻宋時為邛部王國元憲宗時內附中統五年立邛部州安撫使隸成都元帥府至元十年割屬羅羅斯宣慰司二十一年改曰邛部州屬建昌路明洪武中改邛部軍民州二十五年置越嵩衛軍民指揮使司屬四川行都司永樂元年改邛部州為邛部長官司屬越嵩衛本朝仍置衛屬寧遠府乾隆中改置越嵩廳通判直隸四川布政使司

廳境

東西距二百三十里

八到

東北距二百九十里

東至敘州府屏山縣界八十里
西至土蕃界一百五十里
南至寧遠府冕寧縣界七十里
北至雅州府清溪縣界二十里
東南至寧遠府西昌縣界八十里
西南至雪山一百里
東北至涼山蠻界一百五十里
西北至清溪縣界二百三十里
自廳治至京師

土貢

空青 石朽木

駕山在廳西南雋水出其下

泚水今名大渡河在廳北二百二十里源出吐蕃自鐵口野夷流八與雅州清溪縣接界又東逕鬼皮落野夷八峩眉縣界按漢志本以青衣水為大渡水酈道元則以旄牛徼外之鮮水為大渡水唐宋以後始專以泚水為大渡水今仍之又羅羅河魚

洞河竝在廳北東河在廳東

廢關縣在廳北

印部長官司在廳北

敘永廳

巡檢一駐古蘭州

見在戶六千六百四十

禹貢梁州南境漢為犍為郡地晉宋及唐俱為蠻獠地宋為瀘州江安合江二縣地元初置西南番總管府至元二十五年改為永寧路隸四川行省至正中改永寧宣撫司明洪武四年改為永寧長官司又增置永寧衛分屬貴州都司八年復升長官司為宣撫司天啟三年始置同知轄之隸敘州府
本朝康熙初仍置同知隸敘州府以永寧衛隸貴州威寧府二十六年改衛為縣仍隸威寧府雍正五年併為永寧縣改屬敘

州府八年復設同知領永甯一縣

廳境

東西距二百五十里

八到

東至貴州仁懷縣界二百五十里

西至敘州府建武城界五十里

南至雲南鎮雄州界二十里

北至瀘州納溪縣界八十里

東南至貴州畢節縣界一百五十里

西南至鎮雄州界七十里

東北至仁懷縣界一百二十里

西北至建武城界八十里

自廳治至京師八千七百八十里

土貢

山藥 五楮子 棕竹 小川馬

管縣一

永甯

紅崖山在廳東北十里明天啟初川兵追奢崇明連克紅崖天台二砦三年貴州總兵魯欽自遵義直入賊巢進營紅崖山即

此

永甯河在廳西南一名水東河有二源合流于城南北至瀘州

合溪縣入大江又廳境赤水河等竝注永甯河

魚涪關在廳東三里又青岡關在廳西三十里

永甯縣 簡郭下 縣丞駐赤水

與廳同置

縣故城在今縣西明洪武五年遷今治又唐廢蘭州圖經在永

甯司北八十里

馬邊廳

要

永甯府志卷之三十一

雷波廳

中

見在番民戶一千二十八

古西南夷地漢為越嶲郡地三國漢置馬湖縣屬越嶲郡晉初省唐宋為馬湖蠻部地元至元十三年內附置雷波等六長官司隸馬湖路明洪武二十六年省為雷波鄉屬屏山縣本朝康熙初歸附置長官司雍正六年改置雷波衛乾隆中改置廳設通判又廢舊黃螂所為巡檢司

廳境

東西距一百五十里
南北距一百二十里

八到

| | | |
|------|----------|-------|
| 東至 | 雲南昭通府檢溪界 | 二百十里 |
| 西至 | 涼山蠻界 | 一百里 |
| 南至 | 昭通府永善縣界 | 二十里 |
| 北至 | 馬邊營西甯監界 | 一百里 |
| 東南至 | 雲南井底界 | 四十里 |
| 西南至 | 甯遠府洗馬溪界 | 一百里 |
| 東北至 | 馬邊營界 | 一百三十里 |
| 西北至 | 馬邊營界 | 二百里 |
| 自廳治至 | 京師 | |

土貢

雷番山在廳北隋史萬歲征西南夷過此嘗書雷番山三字鐫于石壁今字尚存

金沙江亦名馬湖江自雲南昭通府北流入境又東北入屏山縣蠻夷司界廳境石城河諸水皆注金沙江
馬湖在廳北又龍湖在故黃螂所南
馬湖廢縣在廳北

石碛廳 要

原額戶一萬六百三十四
滋生戶一萬五千五百五十一

漢巴郡臨江縣南境晉宋為南浦縣地隋唐為施州西境後沒于蠻宋景定中始置石碛安撫司元初為石碛軍民府尋升軍民安撫司明洪武八年仍置石碛宣撫司屬重慶府嘉靖四十二年改屬夔州府

本朝順治十六年歸附授石碛宣慰使司仍屬夔州府乾隆中改設廳置同知直隸四川布政使司

廳境

東西距二百二十里
南北距二百四十里
東至湖北恩施縣界一百二十里
西至忠州都縣界一百里
南至西陽州黔江縣界一百六十里
北至忠州界八十里
東南至黔江縣治二百四十里
西南至西陽州彭水縣治三百里

八到

東北至夔州府萬縣界二百五十里
西北至都縣界三十里
自廳治至京師五千里

土貢

鉛 黃連

三江溪在廳東北八十里有三源西流七十里至沙子關合流至忠州豐都縣西入江

松潘廳 要

理番巡檢駐南坪

見在戶三千零九
人丁一萬零二十九

古氏羌地漢置蒗氐道屬蜀郡晉改置升遷縣屬汶山郡後廢後魏為吐谷渾地後周天和元年始置扶州總管府及龍涸郡嘉城縣隋開皇初府廢三年郡廢七年州廢以縣屬同昌郡唐武德元年復于嘉城縣置松州貞觀二年置都督府督羈縻二十五州屬隴右道永徽後改屬劍南道天寶初改曰交川郡乾

元初復曰松州廣德初陷于吐蕃宋亦為吐蕃地元時內附屬吐蕃等處宣慰司明洪武十一年置松州潘州二衛尋并為松潘衛二十年改松潘等處軍民指揮使司隸四川都司嘉靖四十二年復改松潘衛

本朝置總兵官鎮守其地雍正九年裁衛移龍安同知駐此乾隆中改置松潘廳直隸四川布政使司

廳境
東距二百七十七里
南北距二百二十里
東至小河營界八十七里
西至生番界一百九十里
南至登溪營界一百九十六里
北至漳臘營界三十里
東南至平番營界七十六里
西南至雜谷廳界二百里
西北至南坪營界三百里
自廳治至京師

土貢

岷山在廳西北一作汶山書禹貢岷山導江班固云湔氐道禹貢岷山在西徼外大雪山在疊溪營西又蠶陵山在營北

甘松嶺在廳北九十里唐開元十九年吐蕃請交馬于赤嶺互市于甘松嶺宰相裴光庭曰甘松中國之阻不如許赤嶺又和嶺在營北

大江自徼外流入南逕廳城又南逕疊溪營西又南入茂州界一名汶江亦曰岷江班固云江水東南至江都入海過郡七行前人謂二當作八千六百六十里又廳境黑水翼水竝注江

古湔氐道在廳西北又漢平康廢縣在廳西南晉興樂廢縣在廳西北隋交川廢縣在廳南江源廢縣在廳西唐廢鞞州闊州在廳西北潘州在廳北四百八十餘里又漢蠶陵隋翼水唐裁

和利和四廢縣唐廢當州悉州靜州柘州恭州並在疊溪營境
白岸城在營西雞棲城在營西南

故疊溪長官司在營北一里

三舍關在廳東一百七十里圖經廳所轄上至望山下至四望

共十三關堡皆四巖絕壑一筏僅通

疊溪營在廳南二百三十里本漢蠶陵縣唐置翼州宋元皆為

羌地明洪武十一年平西羌置千戶所

本朝改為疊溪營設遊擊駐防城周七里有奇

打箭爐廳簡

見在番戶一萬二千

漢蜀郡旄牛徙二縣徼外地唐為黎雅二州邊外地五代孟蜀
時置長河西魚通寧遠三安撫司宋隸雅州元亦置安撫司屬

吐蕃等處宣慰司明永樂初合為長河西魚通寧遠宣慰司隸

雅州

本朝康熙初歸附三十九年以西蕃侵擾討平其地設兵戍守

雍正七年移雅州府同知治此仍置監督一員以權茶稅

廳境

八到

| |
|---------------|
| 東西距六百四十里 |
| 南北距八百三十里 |
| 東至瀘定橋冷邊界一百二十里 |
| 西至瞻對司界五百二十里 |
| 南至鴉龍江裡塘界二百八十里 |
| 北至小金川界五百五十里 |
| 東南至寧遠府冕寧縣界五百里 |
| 西南至喇亥司界四百八十里 |
| 東北至金川司界四百五十里 |
| 西北至番界八十里 |
| 自廳治至京師 |

土貢

若水今名鴉龍江在廳西南二百八十里自番界流入又南入

雲南中甸及甯遠府冕甯縣界山海經南海之內黑水之間有木名曰若木若水出焉按此亦大江別源至會川衛合金沙江又爐河在廳南下注大渡河

唐葉川廢州在廳界

瞻對安撫司在廳西南五百餘里

喇袞安撫司在瞻對司南

把底安撫司在廳北

單東革什咱安撫司在廳東北

綽斯甲安撫司在廳東北

瀘定橋在廳東南大渡河上

本朝康熙四十年既平打箭爐于安樂村造鐵鎖爲橋以通行旅東西長三十一丈一尺廣九尺施索九條覆板于上

詔賜名瀘定

乾隆府廳州縣圖志卷三十八

賜進士及第翰林院編修充 國史館纂修官 臣 洪亮吉撰

四川布政使司

資州 衝繁 有珠江驛銀山一鎮

戶一萬七千四百七十三

秦以前同潼川府漢為犍為郡資中縣地西魏屬資州後周武成二年自陽安移州治資陽縣並置資中郡保定中于此置盤石縣隋開皇七年始自資陽移州來治大業中改州為資陽郡唐武德元年復曰資州天寶元年復曰資陽郡乾元元年復曰資州屬劍南道五代屬蜀宋亦曰資州資陽郡屬潼川路元時州縣俱廢至正末明玉珍復置資州明洪武四年改州為縣屬成都府

曾孫用勳校刊

本朝雍正五年復升為直隸州分防州判駐羅泉井

州境

八到

| | | | | | | | | | | | |
|---|---|---|---|---|---|---|---|---|---|---|---|
| 東 | 西 | 南 | 北 | 東 | 南 | 西 | 北 | 東 | 南 | 西 | 北 |
| 至 | 至 | 至 | 至 | 至 | 至 | 至 | 至 | 至 | 至 | 至 | 至 |
| 敘 | 眉 | 嘉 | 成 | 嘉 | 眉 | 潼 | 成 | 嘉 | 眉 | 潼 | 成 |
| 州 | 州 | 都 | 都 | 都 | 州 | 州 | 州 | 都 | 州 | 州 | 都 |
| 府 | 府 | 府 | 府 | 府 | 府 | 府 | 府 | 府 | 府 | 府 | 府 |
| 隆 | 隆 | 樂 | 樂 | 樂 | 樂 | 安 | 安 | 安 | 安 | 安 | 安 |
| 昌 | 昌 | 山 | 山 | 山 | 山 | 岳 | 岳 | 岳 | 岳 | 岳 | 岳 |
| 縣 | 縣 | 縣 | 縣 | 縣 | 縣 | 縣 | 縣 | 縣 | 縣 | 縣 | 縣 |
| 界 | 界 | 界 | 界 | 界 | 界 | 界 | 界 | 界 | 界 | 界 | 界 |
| 一 | 二 | 三 | 一 | 一 | 二 | 二 | 二 | 二 | 二 | 二 | 二 |
| 百 | 百 | 百 | 百 | 百 | 百 | 百 | 百 | 百 | 百 | 百 | 百 |
| 五 | 八 | 二 | 八 | 八 | 九 | 十 | 十 | 十 | 十 | 十 | 十 |
| 十 | 十 | 十 | 十 | 十 | 十 | 十 | 十 | 十 | 十 | 十 | 十 |
| 里 | 里 | 里 | 里 | 里 | 里 | 里 | 里 | 里 | 里 | 里 | 里 |

土貢

金 鐵 鹽 絹 葛 麻 藥 柑 蔗 高良薑

管縣四

資陽 內江 仁壽 井研

中江在州南自成都府簡州流入資陽縣又東南逕州南及內江縣入敘州府界一名牛鞞水即縣瀕洛諸水下流也常璩云

資中縣受牛鞞江又州境大濛溪入資江

盤石廢縣在州北又隋銀山廢縣在州東月山廢縣在州西龍

水廢縣在州西南唐丹山廢縣在州西北

鹽井州境及諸縣俱有圖經今州境上井二下井七十八資陽

鹽井四內江上井下井二仁壽鹽井四井研上井四中井七下

井二百二十六

資陽縣 衝東南至州一百三十里 有南津驛資陽一鎮

漢置資中縣屬犍為郡後周武成二年改置資陽縣為資州及

資中郡治隋開皇初郡廢七年又移州于盤石以資陽為屬縣

大業初屬資陽郡唐屬資州元省入簡州明成化二年復置資

陽縣屬成都府正德中改屬簡州

本朝初屬成都府雍正五年改屬資州

資溪在縣西從成都府簡州流入合中江又縣境孔子溪及內江縣玉帶溪並注中江

資中故城在縣北

內江縣 衝西北至州九十里 有安仁驛棹木一鎮

本漢資中縣地後周天和二年置漢安戍尋改置中江縣屬資中郡隋避諱改內江屬資陽郡唐屬資州元初省明洪武初復置屬成都府

本朝雍正五年改屬資州

故縣在今縣西二里又唐清溪廢縣在縣東北

仁壽縣 繁難東至州二百里

本漢犍為郡武陽縣東境晉置西城戍梁置懷仁郡西魏置陵州又置普寧縣為州郡治隋開皇三年郡廢十八年改縣曰仁

壽大業初改州為隆山郡唐武德元年復曰陵州天寶元年改曰仁壽郡乾元元年復曰陵州五代屬蜀宋熙寧五年廢州為陵井監宣和四年改仙井監隆興五年又改曰隆州屬成都府元至元二十年州廢以仁壽縣屬成都路

本朝雍正五年改屬資州

三隅山在縣城外李吉甫云有東隅南隅西隅三峯相對去陵井各一里故名

導江在縣西北一百里今名府河自成都府華陽縣流入又西南二十里入眉州彭山縣界李吉甫云大江在籍縣北三十五里即此縣境又有魚蛇水祿水婆支水

陵井在縣南樂史云陵井歷代煎水煮鹽偽蜀井塞宋乾道三年重開

縣故城在今縣東又西魏貴平廢縣在縣東北蒲亭廢縣在縣南周廢籍縣在縣西北

井研縣 簡東北至州二百四十里

本漢武陽縣地晉安帝僑置江陽郡亦曰西江陽郡宋齊後廢隋大業元年置井研縣屬隆山郡唐屬陵州宋屬仙井監南渡後屬隆州元至元二十年并入仁壽縣後明玉珍復置明洪武十年又省入仁壽縣後復置屬成都府

本朝雍正五年改屬資州

鐵山在縣東出鐵李吉甫云諸葛亮取為兵器其鐵剛利堪充貢又井鑊山在縣北二里山水匯流為宴嘉池在縣北五里可以溉田

隋始建廢縣在縣東北

縣州 衝繁難 有魏城驛

戶一萬四千八百九十二

禹貢梁州之域漢置涪縣屬廣漢郡後漢元初二年徙郡治此後又移郡治雒仍為屬縣三國漢改屬梓潼郡晉曰涪城永嘉後徙梓潼郡來治後又移巴西郡于此宋仍曰涪縣元嘉十六年始自梁州度屬益州梁置潼州西魏改縣曰巴中為潼州巴西郡治隋開皇初郡廢改縣曰巴西五年改潼州曰縣州大業初改州為金山郡唐武德元年復曰縣州天寶元年復為巴西郡乾元元年復為縣州屬劍南東道五代屬蜀宋屬成都路元至元二十年改屬潼川府以州治巴西縣省入明改屬成都府本朝雍正五年升直隸州鹽捕州判駐豐谷井

州境 東西距三百里 南北距一百五里

八到

東至保甯府劍州界一百五十里
西至成都府漢州界一百五十里
南至潼川府三臺縣界四十里
北至龍安府彰明縣界六十五里
東南至三臺縣界七十里
西南至潼川府中江縣界六十里
東北至劍州界一百八十里
西北至龍安府石泉縣界一百三十五里
自州治至京師五千四百五十里

土貢

金 銀 鐵 鹽 漆 錦 綾 紗 雙紉 絹
綿 藥 橘 蔗 白藕 縷金 銀器 緋紅

管縣四

德陽 安 緜竹 梓潼

富樂山在州東五層山在州東南

涪水在州東自龍安府彰明縣流入又東南入潼川府界亦謂之內水又州境龍安水潺水竝注涪

涪縣故城在州東又西魏魏城廢縣在州東北唐鹽泉廢縣在

州東

鹽井在州界圖經今州有中井十一所下井十所

德陽縣 衝繁東北至州一百二十里 有金山驛

漢置緜竹縣屬廣漢郡為都尉治中平五年嘗為益州治晉初屬新都郡郡廢還屬廣漢東晉改屬南陰平郡後周廢唐武德三年改置德陽縣屬益州垂拱二年屬漢州元至元八年升為德州十三年復為縣屬成都路十八年還屬漢州
本朝改屬成都府緜州雍正五年緜州升直隸州縣仍屬焉
緜竹故城在縣北又漢陽泉故城在縣西晉南陰平故城襄陽故城竝在縣西北
鹿頭關在縣北因鹿頭山為名唐元和初高崇文討劉闢破之于此

安縣

繁東少南至州九十里

本漢涪縣地晉孝武僑置晉興益昌西充三縣屬巴西郡隋爲金山神泉二縣屬金山郡唐爲龍安西昌神泉三縣屬緜州宋熙寧五年省西昌縣入龍安政和七年以龍安神泉二縣屬石泉軍宣和三年軍廢二縣還屬緜州七年復屬軍寶祐中移石泉軍治龍安元中統五年升軍爲安州屬成都路以龍安神泉二縣省入明洪武七年降州爲安縣屬成都府

本朝雍正五年改屬緜州

金山在縣東北李吉甫云每夏雨奔注崩頽之所金粟散出大者如棋子又龍安山附子山竝在縣東北樂史云山出附子故名又有附子水出焉

羅江水源出縣西南東南流逕故羅江縣縣以之名又南入潼

川府界

縣故城在今縣東北又晉西昌故城在縣東三十里隋神泉故

城在縣南五十里

緜竹縣

繁東北至州一百四十里

有石碑一鎮

漢緜竹縣晉隆安二年分置晉熙郡及晉熙縣齊永元初廢晉熙郡以縣屬南新巴郡梁復置晉熙郡周省晉熙縣入陽泉隋開皇初郡廢後置晉熙縣十八年改曰孝水大業三年改曰緜竹屬蜀郡唐武德三年屬濠州貞觀二年州廢縣屬益州垂拱二年分屬漢州元至元十三年併入漢州後復置明仍屬漢州本朝初屬成都府雍正五年改屬

紫巖山在縣西班固云緜竹縣紫巖山緜水所出又鹿堂山亦在縣西北武都山在縣北庚除山在縣東北四十里

緜水今名緜陽河源出縣西北東南流逕德陽縣又南入成都府漢州界班固云緜水東至新都北入雒石亭水自成都府什邡縣流入縣西南又東南逕德陽縣入漢州界晉永康二年李流軍緜竹趙廩使費遠斷北道屯緜竹之石亭卽此又縣境射水河合白水馬尾二河注石亭水

劉宋南武都廢縣在縣西北

梓潼縣

衝繁西南至州一百二十里

有武進驛上亭一鎮驛丞兼巡檢駐旭城

漢置縣為廣漢郡治後漢移郡治雒縣以梓潼屬之建安二十二年蜀先主以縣置梓潼郡晉永嘉後移郡治涪城西魏改縣曰安壽又于縣置潼川郡隋開皇初郡廢大業初復改曰梓潼屬普安郡唐屬劍州

本朝初屬保寧府雍正五年改屬

馬閣山在縣西北樂史云東接梁山西接岷峩昔鄧艾伐蜀從景谷路出江油至此懸厓絕壁乃束馬懸車造作棧閣方得通路因名五婦山在縣北又七曲山亦在縣北

梓潼水在縣西源出龍安府平武縣山溪東南流入縣又南入潼川府界古名馳水亦曰岐江潼江又名馬閣水班固云梓潼縣五婦山馳水所出南入涪行五百五十里應劭曰潼水所出南入墊江又九曲水在縣西北下注梓潼水

漢德陽故城在縣北又梁北陰平廢縣在縣西北

茂州

衝繁難

有來遠驛

見在戶四千七十一

禹貢梁州之域漢初為冉駹國地武帝元鼎六年以其地置汶山郡治汶江縣地節三年省屬蜀郡為北部都尉建安中先主

定蜀復以北部為汶山郡晉時移郡治汶山縣改汶江為廣陽屬之東晉後荒廢蕭齊復置北部都尉梁普通三年置繩州北部郡仍置廣陽縣為治後周保定四年改繩州曰汶州隋開皇初郡廢改汶州曰蜀州尋又改會州置總管府仁壽元年改縣曰汶山大業初府罷復改州為汶山郡唐武德元年復曰會州三年置總管府四年改曰南會州七年改置都督府貞觀八年始改曰茂州天寶元年改通化郡乾元元年復曰茂州屬劍南道五代屬蜀宋亦曰茂州通化郡屬成都府路元屬吐蕃宣慰司明洪武初以州治汶山縣省入屬成都府

本朝雍正五年升直隸州又省威州為保縣屬之

州境 東西距一百七十里 南北距一百五十里

東至龍安府石泉縣界九十里 西至黑虎寨界八十里

南至汶水縣界七十里 北至疊溪營界八十里

東南至緜州安縣界一百二十里 西南至保安縣界七十里

東北至石泉縣及疊溪營界一百里 西北至疊溪營界九十里

自州治至 京師四千九百里

土貢 金 丹砂 麝香 藥 麻布 狐尾 乾酪蜜 芋 五角半

管縣二 保 汶川

岷山在州東南益州記岷山去成都五百里李吉甫云汶山縣有汶山即岷山也按此非古岷山漢志岷山在湍氏道徼外在今松潘廳北生番界又龍泉山在州南茂涇山在州北茂州以此山名

大江自松潘廳疊溪營流入南流涇州城西又西南涇保縣汶

川二縣西又南入成都府界又州境黑水河白水河並西流注江

汶江故城在州北又唐廢眞州在州西北廢乾州在州西

合江城舍堂城並在州北安戎城在州西番界

靜州長官司在州東二里

隴木長官司在州東北四十里

岳希長官司在州西五里

長寧安撫司在州西北四十里

保縣衝難東北至州八十里

古冉駝國地漢爲縣地晉屬汶山郡隋開皇中始於今縣西北番界置薛城戍屬會州唐武德七年以其地置維州貞觀元年羌叛州廢二年復置并置薛城縣爲治天寶元年改維川

郡乾元元年復曰維州屬劍南道廣德元年沒吐蕃太和五年收復尋棄之大中三年復內附五代蜀永平二年州內徙又改縣曰保寧宋景德三年改曰威州屬成都府路元至元十九年以州治保寧縣併入明洪武六年于州西北境析置保縣屬之宣德中又移州治汶川縣

本朝雍正五年省威州入保縣仍移縣來治屬茂州

玉壘山在縣治班固云縣虎縣玉壘山湔水所出又姜維山定

廉山並在縣西北

沱江源出雜谷廳界東南流至縣西北入大江班固云汶江縣

沱江在西南東入江

汶川故城在縣南又縣故城及五代維州故城唐廢霸州保州定廉廢縣小封廢縣並在縣西北隋通化廢縣在縣西

乾溪城龍溪城並在縣西北籠山城在縣北

金川司在縣西南五百九十里

阿日司在縣西南五百五十里

大金川安撫司在縣西南金川司西

繩橋在縣西北李吉甫云駕大江筏竿四條以葛藤緯絡布板其上雖從風搖動而牢固有餘夷人驅牛馬去來無懼圖經今

為雜谷廳必經要隘威茂營遣兵守之

汶川縣

衝繁難東北至州一百二十里

有塞水太平二驛

漢置緜虎縣屬蜀郡後漢曰緜虎道三國漢置汶山郡晉改縣曰汶山東晉後郡徙縣廢後周復置汶川縣仍于縣置汶川郡隋開皇初郡廢屬會州大業初屬汶山郡唐屬茂州宋熙寧九年于縣置威戎軍政和六年改名延寧宣和三年廢軍為砦縣

仍屬茂州元至元十九年廢縣設巡檢司後復置明宣德中縣

南徙仍屬茂州

本朝初屬成都府雍正五年復屬茂州

草坡河在縣南源出瓦寺土司界有二派東南流會為一入大

江

漢廣柔故城在縣西北唐威戎軍城在縣北

桃關在縣南

石紐村在縣西北譙周云禹本汶山郡廣柔縣人生于石紐常璩云夷人營其地方百里不敢居牧有過逃其野中不敢追云畏禹神

加及渴寺安撫司在縣西北二十里

西陽州

繁難

有通達一砦龍潭一鎮巡檢駐龔灘

見在戶五千三百二十一

本漢巴郡涪陵武陵郡遷陵二縣地三國漢嘗僑置西陽縣尋廢晉永嘉以後没于蠻獠後周為黔州地唐為思州地五代時復没于蠻宋政和後仍屬思州元置西陽州屬懷德府明玉珍又改為沿溪邊洞軍民宣慰司明洪武五年歸附仍為西陽州八年升為西陽宣撫司冉氏世守其地屬四川布政使司永樂十六年改屬重慶府天啟初又改宣撫司為宣慰司

本朝順治十五年歸附仍屬重慶府雍正十二年改隸黔彭廳乾隆元年升為西陽州廢黔彭廳入焉分防州同知駐龍潭鎮

州境 東西距三百八十里 南北距五百六十里 東至湖南龍山縣界二百里 西至貴州婺川縣界一百八十里 南至邑梅洞長官司貴州印江縣界一百八十里 北至湖南利川縣界三百八十里

東南至湖南永綏廳界二百九十里 西南至貴州沿河司界一百二十里 東北至湖南來鳳縣界二百三十里 西北至重慶府涪州界二百八十里 自州治至京師七千四百五十里

土貢 麩金 水銀 丹砂 布 蠟 犀角

管縣三

秀山 黔江 彭水

酉陽山在州北一百五十里接黔江縣界

延江水今名黔江自貴州思南府北流入州境名涪陵江又北逕彭水縣西又西北至武隆縣入涪州界即烏江下流又州境清溪西南流注黔江疊溪入湖南保靖縣界注辰州大江故酉陽縣在今州北

石耶洞長官司在州東南七十里

邑梅洞長官司在州南二百十里

地霸長官司在州南一百里

秀山縣簡北至州二百里 有巡檢駐石堤

宋政和中置平茶洞羈縻屬思州宋末有楊業之裔據其地元初改溶江芝子平茶等處長官司明洪武八年改為平茶洞長官司屬西陽司永樂初改屬重慶府

本朝初屬西陽司又隸黔彭廳雍正十三年改置秀山縣以縣北二十里高秀山為名乾隆元年廳廢屬西陽州

黔江縣簡南至州二百八十里

漢涪陵縣地後漢建安六年劉璋分置丹興縣屬屬國都尉三國漢屬涪陵郡後廢隋開皇五年置石城縣兼置庸州大業初州廢縣屬巴東郡唐武德元年改屬黔州天寶元年改曰黔江

宋南渡後屬紹慶府明洪武初改屬重慶府

本朝雍正十二年分屬黔彭廳為治所乾隆元年改屬西陽州狼山在縣東二里出野狼眼生背上能食諸獸又羽人山在縣東與湖北恩施縣界無極水源于此

阿蓬水在縣東南自湖北恩施縣界流入又西南逕州西北入黔江費水在縣南自貴州安化縣流入正流自縣境合大江支流又東北至夔州府境又名魚復江又縣境可通水西南流至

彭水縣北注黔江

丹興廢縣在縣東又隋石城故縣在縣東南

彭水縣難東南至州二百里 有黔南水驛鹽井郁山二鎮巡檢駐郁山

漢置涪陵縣屬巴郡後漢建安六年劉璋置屬國都尉三國漢為涪陵郡治晉永嘉後廢後周置黔州于此隋開皇十三年始

置彭縣為州治大業初為黔安郡治唐復為黔州治宋南渡後為紹慶府治明洪武初府廢以縣屬涪州

本朝初屬重慶府雍正十二年改屬黔彭廳後又改屬

伏牛山在縣東又摩圍山在縣西隔江四里夷獠呼天曰圍言此山摩天故名

都濡水在縣南東北流入黔江又縣境有洋水至縣西南注江鹽井在縣東圖經今縣有上井一眼中井二眼下井二眼

漢漢葭廢縣在縣東又漢復廢縣及唐洪杜廢縣都濡廢縣並在縣南洋水廢縣在縣西南信甯廢縣在縣西北

忠州繁難有臨江塗井二鎮巡檢駐敦里八甲

見在戶二萬四千九百八十八

漢置臨江縣屬巴郡梁大同六年于縣置臨江郡西魏廢帝二

年又置臨州隋開皇初郡廢大業初州廢縣屬巴東郡義甯二年復置臨州唐貞觀八年改曰忠州天寶初改曰南賓郡乾元初復曰忠州屬山南東道五代屬蜀宋亦曰忠州南賓郡屬夔州路咸淳元年升為咸淳府元復曰忠州至正二十一年改屬重慶路明洪武初以州治臨江縣省入屬重慶府本朝雍正十二年升直隸州分防州判駐石橋井

州境 東西距一百二十里 南北距一百十里 東至夔州府萬縣界五十里 西至重慶府涪州界三十里 南至夔州府石柱廳界六十里 北至順慶府大竹縣界

東南至石柱廳界五十五里 西南至石柱廳界十里 東北至萬縣界六十里 西北至順慶府鄰水大竹二縣界 自州治至京師九千五百里

土貢

金 鐵 鹽 綢 藥 柑橘 蜜蠟 文鐵刀
蘇薰席 紙

管縣三

鄂都 墊江 梁山

涂溪在州東常璩云臨江縣有鹽官在鹽涂二溪一郡所仰又
州北有滄溪河東南流逕滄井西又南注江按此卽璩所云鹽
溪也州境又有漕溪神溪竝注江

鹽井在州境圖經今州上井三眼中井八眼下井二十四眼鄂
都縣鹽井一眼

宋龍渠廢縣在州東南

故石城在州東一百里

鄂都縣 簡東北至州一百里

有鄂林水驛北涪一鎮

古巴國別都漢爲巴郡枳縣地後漢永元二年分置平都縣仍

屬巴郡三國漢延熙十七年省入臨江隋義寧二年改置豐都

縣唐屬忠州宋廢紹興初復置仍屬忠州明洪武初改豐曰鄂

本朝初屬重慶府雍正十二年與墊江梁山二縣竝改屬

平都山在縣東北後漢以此名縣今亦名鄂都山

大江自重慶府涪州流入逕縣南又東北逕州南入夔州府界

又縣境葫蘆溪根溪龍停溪竝注江

唐南賓廢縣在縣東南

墊江縣 繁難東至州一百三十里 有縣丞分駐高灘

漢臨江縣地西魏置墊江縣兼置容川郡周改縣曰魏安隋開

皇初郡廢十八年又改縣曰墊江屬宕渠郡唐武德初分屬潞

州八年改屬臨州尋屬忠州元至元中省入豐都至正中明玉

珍復置

唐桂溪廢縣在縣東北

梁山縣 繁難東南至州一百里

有太平驛虎溪一鎮

漢巴郡朐忍縣地三國後為巴東郡南浦縣地西魏始置梁山縣隋屬巴東郡唐屬萬州宋開寶三年置梁山軍屬夔州路元祐初還屬萬州尋復故元至元二十年升軍為梁山州仍以梁山縣為治明洪武七年州廢縣屬夔州府

高梁山在縣東北與萬縣接界又高都山在縣北十五里

高灘溪自縣發源曰桂溪西南流逕墊江縣東曰高灘溪又西南入重慶府長壽縣界為龍溪即古逢溪容溪也

縣故城在今縣西

達州

衝

有巡檢駐疏柳場

見在戶一萬八千九十八

漢巴郡宕渠縣之東境後漢和帝分置宣漢縣仍屬巴郡劉璋分屬巴西郡三國漢分屬宕渠郡尋還屬巴西晉初省惠帝復置屬宕渠郡劉宋分置巴渠郡梁改縣曰石城置萬州及東關郡西魏改通州隋開皇初郡廢十八年改縣曰通川大業初改州曰通川郡唐武德元年復曰通州三年置總管府貞觀五年府廢天寶初復曰通川郡乾元初復曰通州屬山南西道五代屬蜀宋乾德二年改曰達州通川郡屬夔州路元曰達州至元十五年屬四川東道二十年改屬南道二十二年屬夔州路明洪武九年省通川縣入州又降州為達縣正德九年復升為州仍屬夔州府

本朝雍正六年升為直隸州

州境

東西距一百八十里
南北距一百三十五里

八到

東至夔州府開縣界三百里
西至順慶府渠縣界一百里
南至順慶府大竹縣界九十里
北至東鄉縣界四十五里
東南至新寧縣界九十里
西南至大竹縣界一百里
東北至涪甯府巴州界一百三十里
自州治至京師六千五百八十里

土貢

金 綢 絛 鹽 漆 蜜蠟 香 藥

管縣三

東鄉 太平 新甯

宕渠水今名渠江亦名通川江在州城南門外實巴渠二水之合也至此又合後中前三江水西南流逕東鄉縣城東又逕州城南又西南入順慶府界為宕渠江又州境三岡水北水瀘灘河並注通川江

梁石鼓廢縣在州東三岡廢縣在州西南四十里隋永穆廢縣

在州西北唐太平廢縣在州西思來廢縣閬英廢縣在州北

抽茶場在州南

東鄉縣 簡西少南至州九十里

漢宕渠縣地後漢宜漢縣地劉宋分置巴渠下蒲二縣屬巴渠郡西魏分置東鄉縣并置石州後周廢州置三巴郡隋開皇中郡廢省巴渠下蒲二縣入東鄉屬通川郡唐武德三年于縣置南石州八年州廢縣屬通州宋屬達州元至元中省明正德中復置仍屬達州

本朝初屬夔州府雍正六年還屬

縣故城及宣漢廢縣劉宋巴渠廢縣唐昌樂廢縣在縣東北劉

宋下蒲廢縣在縣西北

太平縣

簡西南至州三百六十里

有主簿駐城口場

漢宕渠縣地後漢宣漢縣地劉宋分置東關縣屬巴渠郡梁置南晉郡西魏兼置并州後周改郡曰永昌隋開皇初郡廢五年州廢改縣曰宣漢屬通川郡唐武德元年復置南并州貞觀元年州廢縣屬通州宋乾德五年省入東鄉明正德十年復割東鄉置太平縣屬達州

本朝初屬夔州府雍正六年還屬

白支山在縣東一百五十里中江發源于此又金城山在縣東二百四十里前江發源于此天橫山在縣北五十里後江發源于此

北江在縣東北一百里自篁墩山發源西北流入陝西紫陽縣界爲任河入漢江又白沙河在縣東西南流二百里與後江合

明通井在縣東舊爲宣漢井樂史云鹹泉出于山下遂煎成鹽東關故城及宋明通廢縣並在縣東

諸葛城在縣北城口山下

新寧縣

繁難西少北至州一百十里

有郭家方城二寨

西魏于宣漢縣地置新寧縣屬東關郡隋開皇初省入通川唐武德二年復分通川置新寧縣屬通州太和三年改屬開州四年還屬通州宋屬達州明洪武四年省入梁山縣十四年復置改屬夔州府

本朝康熙七年省入梁山縣雍正七年復置屬夔州府十二年改屬

三角山在縣東北八十里南江源出此

南江在縣南西北流入通川江又開江在縣東北東流入開縣

界

縣故城在今縣東宋時移今治又西魏東關故郡在縣西北

眉州 衝繁難 有魚耶東館二鎮

原額人丁三千二百九十六
見在戶九千八百六十二

漢為犍為郡武陽縣地蕭齊建武三年析置齊通左郡梁曰齊通郡置齊通縣又于郡置青州後魏廢帝二年改曰眉州後周復曰青州尋又曰嘉州隋開皇初郡廢改縣曰廣通仁壽元年又改曰通義大業二年復改嘉州曰眉州尋廢州以縣屬眉山郡唐武德二年復于通義縣置眉州天寶初改為通義郡乾元初復為眉州屬劍南道五代屬蜀宋亦曰眉州通義郡屬成都路元曰眉州至元十四年隸嘉定府路二十年以州治眉山縣省入明洪武九年降州為眉縣十三年復升為州直隸四川布

政使司

州境

八到

| | | | | | | | |
|-----|-------|-------|------|-----|-------|-------|------|
| 東至 | 西至 | 南至 | 北至 | 東至 | 西至 | 南至 | 北至 |
| 資州 | 嘉州 | 成都 | 嘉州 | 資州 | 嘉州 | 成都 | 嘉州 |
| 仁壽 | 名山 | 新津 | 嘉州 | 仁壽 | 名山 | 新津 | 嘉州 |
| 縣界 | 縣界 | 縣界 | 縣界 | 縣界 | 縣界 | 縣界 | 縣界 |
| 三十里 | 一百三十里 | 一百三十里 | 九十五里 | 三十里 | 一百三十里 | 一百三十里 | 九十五里 |

土貢

麩金 鹽 硝 獠麻布 甘子 寒水石

管縣三

丹稜 彭山 青神

白虎山在州東北西臨汶江

醴泉江在州西八里有二源至州西北十里而合曰雙河口又

東南流爲醴泉江繞州城與松江合又東入大江

樂城在州東北

丹稜縣 簡東至州六十里 有柵頭一鎮

漢犍爲郡南安縣地後周明帝分置齊樂縣武帝改曰洪雅隋開皇十二年改曰丹稜屬嘉州大業初屬眉山郡唐屬眉州元省明洪武十三年復置

三青山在縣東北

思濛江源出縣境東南流逕州南又南逕青神縣南入大江又州境瀘甘水亦至青神縣注江

洪雅故城在縣東

彭山縣 繁南至州四十里

漢置武陽縣屬犍爲郡後漢爲郡治蕭齊移郡治棘道以縣屬

之梁改武陽曰犍爲置江州西魏改縣曰隆山後周省江州置

隆山郡隋開皇初郡廢縣屬隆山郡唐初屬陵州貞觀元年省

入通義二年復置改屬眉州先天元年改曰彭山明洪武九年

併入眉縣十三年復置仍屬眉州

本朝康熙元年併入眉州雍正六年復置

彭亡山在縣東北亦名彭望又曰彭模後漢建武十一年岑彭

攻公孫述至武陽所營地名彭亡彭聞而惡之欲徙會日募蜀

刺客詐爲亡奴降夜刺殺彭又鼎鼻山亦在縣東北亦曰打鼻

宋譙縱據蜀朱齡石伐之縱遣將譙小苟塞打鼻以禦之

大江自成都府新津縣流入逕縣東又南逕州城及青神縣東

又南入嘉定府界又赤水在縣東北西流與府河合注大江

武陽故城在縣東北又宋江陽故城緜水廢縣並在縣東

青神縣 衝北至州八十里

本漢犍為郡南安縣地後周始置青神縣兼置青神郡隋開皇初郡廢縣屬眉山郡唐屬眉州明洪武九年併入眉縣十三年復置

本朝康熙六年併入眉州雍正六年復置

熊耳山在縣西十五里常璩云望帝以褒斜為前門熊耳靈關為後戶酈道元云漢和平中山崩地震江水逆流

魚蛇水自資州仁壽縣界流入至縣北入江樂史云有魚似蛇故名又青神渠在縣東唐太和中榮夷人張式等鑿溉田二百餘頃

縣故城在今縣南

印州 衝繁 有白鶴驛巡檢駐大井

原額人丁六千三百一
見在戶一萬五千二百四十一

秦置臨邛縣漢屬蜀郡晉改屬晉原郡梁置邛州西魏置臨邛郡隋開皇初郡廢大業初州廢屬臨邛郡唐武德元年復置邛州天寶初曰臨邛郡乾元初復曰邛州屬劍南道五代屬蜀宋曰邛州臨邛郡屬成都路元曰邛州至元十四年立安撫司尋罷二十一年以州治臨邛縣省入屬嘉定路明洪武九年降州為縣屬嘉定州成化十九年復升為州直隸四川布政使司

州境 東西距二百二十里
南北距三十五里
東至成都府新津縣界六十里
西至雅州府蘆山縣界一百六十里

八到 南至眉州府丹稜縣界
北至成都府灌縣界
東南至眉州府名山縣界六十里
西南至雅州府崇慶州界七十里
東北至成都府天全州界六十五里
西北至雅州府天全州界六十五里

自州治至京師五千八百九十里

土貢

鐵 鹽 絲布 細葛 茶 藥 班竹 黠石 山
碧花 酒 杓

管縣二

大邑 蒲江

銀官山在州東南二十里李吉甫云鄧通所封後卓王孫買為陶鑄之所又古城山在州南史記秦時卓氏遷臨邛即鐵山鼓鑄常璩云臨邛縣古石山有石鑛大如蒜子火燒合之成流支鐵甚剛因置鐵官有鐵祖廟祠

僕干水一名文井江在州南東流入新津縣界今亦曰南河班固云臨邛縣有僕干水東至武陽入江過郡二行五百一十里酈道元云文井江李冰所導也按古邛水出邛崃山在今榮經縣界至雅安合青衣水未嘗北至臨邛此水唐宋以前謂之文

井江或名白朮水初無邛水之名水經注誤謂邛水東至臨邛入青衣舊唐書等又沿其誤非也州境布僕水牙江水茲注文井江

火井在州西南博物記火井縱廣五尺深二三丈常璩云井有二水取井火煮之一斛水得五斗鹽家火煮之得無幾也又有鹽井常璩云漢地節中穿臨邛蒲江鹽井二十所增置鹽鐵官按古井今已湮故行鹽自嘉定犍為縣來

西魏依政故城在州東南隋火井故城在州西南
六堰在州及大邑縣界

大邑縣 繁難西至州四十里 有延貢一砦乾溪一鎮

漢蜀郡江源縣地晉以後為晉源縣地唐咸亨二年析置大邑縣屬邛州

鄰水自縣西南鳳皇山發源東南流逕州西二里入文井江俗名西河一名瀘水又縣境斜江水亦注文井江

唐安仁廢縣在縣東南

蒲江縣 簡西北至州六十里

有鹽井一寨雙路一鎮

漢臨邛縣地西魏置廣定縣又置蒲原郡隋開皇初郡廢仁壽初改曰蒲江屬臨邛郡唐屬邛州太和四年改屬雋州後復故元至元二十一年省入邛州明洪武十三年復置仍屬邛州

金釜山在縣南八里有鹽井

蒲江水有二源皆出眉州丹稜縣西北流入縣南又東北至州界合文井江又縣境鐵溪河亦注文井江舊產鐵

縣故城在今縣北又魏臨溪廢縣亦在縣北

瀘州 衝繁難

有嘉明石棚二鎮博望一寨巡檢駐嘉門

原額人丁五千四百十七
見在戶一萬五千七百二十九又九姓司戶五十一

春秋時巴國地漢置江陽縣屬犍為郡後漢建安十八年置江陽郡宋曰東江陽郡梁于郡置瀘州隋開皇初郡廢仁壽中置總管府大業初府廢改曰瀘川郡又改郡治江陽縣曰瀘川唐武德元年復曰瀘州三年置總管府尋曰都督府天寶初曰瀘川郡乾元初復曰瀘州屬劍南道五代屬蜀宋亦曰瀘州瀘川郡宣和元年置瀘川節度屬潼川路景定二年為元所取尋收復改曰江安州元仍曰瀘州至元二十年以州治瀘川縣省入尋割屬重慶路明洪武初升直隸州

本朝因之州判兼管批驗所軍民

州境

東西距七百五十里
南北距一百六十里

八到

東至貴州仁懷縣界
西至敘州府南溪縣界

南至敘州府興文縣界一百三十里
北至重慶府榮昌縣界一百三十里
東南至仁懷縣界一百里
西南至敘州府南溪縣界五十里
東北至重慶府江津縣界一百五十里
西北至敘州府隆昌縣界一百五十里
自州治至京師六千四百一十里

土貢

麩金 鹽 葛 麻布 茶 藥 醬 花竹簞 楠木 荔枝 石青 石綠

管縣三

納谿 合江 江安

方山在州西常璩云江陽縣有方山蘭祠神臂山在州東山有神臂門極險要

資江在州北即縣渝洛諸水下流自敘州府富順縣流入班固云縣虎縣玉壘山湔水所出東南至江陽入江李吉甫云水出麩金又州境支江思晏江並注資江悅江在州東北合大江

唐涇南廢縣及廢宋州並在州西南

九支城在州東南

九姓土司在州西南二百十里

納谿縣 衝東北至州四十里 有侏子江門二砦

漢江陽縣地隋為瀘川江安二縣地宋皇祐二年置納谿砦若紹定五年升為縣屬瀘州

納溪自永寧縣流入縣西入汶江

合江縣 衝難西至州一百二十里 有岡門一鎮

秦巴縣地漢置符縣屬犍為郡後漢改曰符節建安中分屬江陽郡晉仍曰符縣永嘉後荒廢蕭齊置安樂縣屬東江陽郡梁改置安樂戎周保定四年始改置合江縣屬瀘州
安樂山在縣西唐天寶六年勅改曰合山

大涉水亦名安樂水在縣東自貴州仁懷縣流入俗名小江班固云南廣縣大涉水北至符入江水經謂之鯨部水

廢符縣在縣西又宋安谿廢縣在縣西南一百里

符關在縣南漢書武帝建元六年使中郎將唐蒙將千人從巴符關入見夜郎侯多同

江安縣

衝東北至州一百十里

有安遠一砦

漢江陽縣地後漢置漢安縣屬犍爲郡晉改屬江陽郡劉宋爲東江陽郡治梁屬瀘州隋開皇十八年改曰江安

大江自敘州府南谿縣流入逕縣及納溪二縣北東北逕州南又東逕合江縣北入重慶府界又州境清溪縣溪等並注江

鹽井在縣東北

漢安故城在縣東又晉縣水廢縣在縣西

樂共城在縣南

曾孫用勲校刊

